

NTHOWA YAKUPEREKEKA NA CHIUTA YA MU DAZI ILI

 . . . kanyengo waka apo ise tikusindamiska mitu yithu.

Wadada w̃ithu W̃akuchanya, ise tikumuwongani Imwe chifukwa cha Yesu Khristu, mapangano Ghake ghakuru agho Iyo wali kupereka kwa ise. Ise tikumuwongani Imwe chifukwa cha vinthu vyose ivi. Ise tiri pasi pa kukhazga kukuru muno mu msumba uwu pakati pa W̃akhristu w̃aweme ãwa. Ise tikukhazga kuti timuwonenge Iyo wakwenda pakati pithu kuwoneskanga kuw̃apo Kwake, kuperekanga chipulikano ku w̃anthu, kuw̃akhuw̃irizga iwo kuti w̃agomezge. Icho ndicho chirato chithu chakuw̃ira muno, W̃adada. Ise tikumanya kuti ise tingamugomezgani Imwe. Ise tikhumudwenge yayi. Pakuti ise tikuromba ichi mu Zina Lake. Amen.

Imwe mungamanya kukhala pasi.

Nangukondwa chomene mlenji uwu kuw̃a na chakurya ichi cha mlenji na gulu liweme la w̃apharazgi muno mu msumba. Ndipo nthaura ise. . . Ine nkughanaghana—w̃abale w̃angujambura uwu usange munyake wangaukhumba uwu. Nyengo yantheura ya wenenawene iyo ise tanguw̃a nayo. Ndipo sono, usiku uwu ndi usiku withu wachiw̃iri, tikwenda makora pa nthowa. Ntheura sono, ise tikugomezga kuti Fumu yimutumbikeninge imwe mose mwapakuru kwandaniska.

Ine nkugomezga kuti ine nkhuwona mubwezi wane muweme, Mrs. Upshaw, wakhala uku, Mlongosi Upshaw. Fumu yikutumbike iwe. Ine nkhumukumbukira M'bale Willie Upshaw. Ine nkhapokera kalata kufuma kwa iyo dazi linyake na chithuzithuzi cha M'bale Willie, Congressman. Ntheura, iyo—iyo wakaw̃a wakupendera kwa virimika vinyake sikisite-sikisi.

Nkhãwa mu ungano usiku umoza, nkhawona mboniwoni ya iyo, wali chikhalire, wakwenda wakujumpha w̃anthu, wawara suti yake, wakusindama. Iyo wakaw̃a mu mpando wakutchika na ndodo, umo imwe mose mukamumanyira iyo, ndipo Fumu Yesu wakamupanga iyo wamusuma usiku weneula. Ndipo iyo wakaw̃a na chipulikano mpaka iyo wakafwa.

Ise tikuwona kuchindikika, usiku uwu, chifukwa cha chokolo chake chakhala apa. Kasi iyo wakaw̃a wa msinkhu uli para iyo wakati waruta kukawonana na Fumu? Kasi iyo wakaw̃a wa msinkhu uli? [Mlongosi Upshaw wakuzgora—Munozgi] Wakakhala umoyo kufika virimika eyite-sikisi. [Mlongosi Upshaw wakuchitira ukaboni za kuruta kwake.] Wakaruta Kuchanya kukakhala na. . . Ise ndise wakuwonga chifukwa

cha wānarumi wākuruwākuru, nkhwantha zikuruzikuru za chipulikano.

Sono, usiku uwu, ichi ndi, ise tikukhumba yayi kuti timusungeni imwe nyengo yitali. Ise tikamusungani imwe kujumpha na maminiti teni kumise kwa mayiro, maminiti kuti yikwane teni. Ise nyengo zinandi tikuwa kuti tafuma chamudera mu nayini-sate. Ine niyezgenge kukwaniska icho usiku uwu. Ine nakhala... Ine ndiri kusintha kufuma ku mauthenga ghane ghauchimi agho ine nakhala nkhuapharazga mu vigaŵa vyakupambanapambana vya charu, kufika ku mauteŵeti gha uneni. Ndipo pa mauthenga ghara ghauchimi, ise mbwenu tirutirirenge waka na kurutirira. Ndipo sono kuti tidumureko uwu, chikuwa ngati ntchinonono, ndipo ichi chikusintha—utumiki kwathunthu.

Ndipo chifukwa icho ine nkhuichitira ichi: chifukwa dazi limoza, pakwiza kufuma ku Canada, kunena waka uku mu Montana, mwakucherera mlenji umoza, Fumu Yesu... Ine nkhumanya ichi chikuwoneka chachilendo, kweni ine nkhatichikanga galimoto, ndipo chinyake chikakopa tcheru chane. Ine nkhapulika Lizgu, pakweru umo imwe mukupulikira lane, likuti, “Zina lako lalebeka pa phiri lira.” Ndipo ine nkhalawiska, ndipo para ise tikati tayima, Billy na ine, Fumu Yesu wakati, “Wererani sono, ndipo ukayambe utumiki wa kupharazga ngati ndiumo iwe ukachitiranga.”

Ndicho chifukwa ine ndiri kuno usiku uwu, chifukwa nawerera kumanyuma kukuromberanga warwari. Pali nkhami yitali ku ichi, ndipo ine ndiri na chisimikizgo kuti mwaŵanthu imwe ŵa tepi kuno, imwe mukupulika matepi ghithu, mukumanya za nkhami. Ine ndiri kuno kuti ndirombere warwari kamoza. Muli vyawanangwa vikuru vinandi mwa Chiuta. Chiuta wangamanya kugwiriska ntchito chirichose cha ivyo Iyo wakukhumba usange ise timuzomerezgenge waka Iyo wachite nthaura. Iyo ndi Yehova Chiuta.

Ndipo sono, ine nkhuyezga kuti nth... nireke kuŵikanga mawoko pa ŵanthu usange ine ningareka ichi, chifukwa, kula, ichi chikuwoneka ngati (icho chiri makora), kweni ichi chikuwoneka ngati kuti munyake, wachizgikenge, iwo wakuti, “Enya, *Wakuti-na-wakuti* wakaŵika mawoko pa ine.” Mukuwona? Ine—ine nkhutemwa kumuwonani imwe mukuŵika waka mawoko pa Iyo, pa Khristu.

Chirato chane ntchakuti, ise tose tikumanya kwizira mu Malemba, kuti machirisko Ghauzimu ghali kuperekeka kale kwa wakugomezga waliyose. Agha ndi gawo—agha ndi gawo la kusuzgikira kwa Yesu: “Iyo wakapwetekeka chifukwa cha kwananga kwithu, na vitimbo Vyake ise tikachizgika. Umo Moses wakakwezgera njoka ya mkuwa mu mapopa, nthaura

Mwana wa munthu wakwenera kuti wakwezgeke muchanya.” Chirato chenechira.

Ndipo chira chikaŵa chilinganizgo, Khristu ndi kukwaniriskika. Ndipo nthaura usange—usange mphepisko yakale yikamanya kupanga machirisko, kasi yichitenge pakuru uli yimoza yiphya, yeneiyo yiri na vinthu viweme, kupanga machirisko Ghauzimu.

Sono, Yesu wakakwezgeka muchanya pa chirato chenechira icho njoka ya mkuŵa yikakwezgekera (Iyo wakazgoka kwananga): chifukwa, serepente wakapangika kufuma ku mkuŵa, ndipo *mkuŵa* ndi “chakwimira cha cheruzgo chauzimu”; ndipo *serepente*, kuwoneskanga “nthembo ya serepente” kufuma mu munda wa Eden, uko kwananga na urwari vikanjira.

Ndipo Yesu nthā...Kulije munthu wangapharazga Yesu Khristu ngati mphepisko kwambura kupharazga machirisko Ghauzimu. Kulije munthu wangapharazga Ivangeli kwambura kupharazga machirisko Ghauzimu. Chifukwa, wonani, imwe nthā... iyo wakwenera kuti... nthā wakwenera kuŵa na vinthu vinyake. Ngati usange kuti chinyama chamukorani imwe, imwe nthā mukwenera kuti mudumureko waka rundi lake, panji kudumurako lake—kudumurako woko lake panji chirichose icho ichi chamukolerani imwe. Imwe tchayani waka pa mutu ndipo mbwenu mwamarana nacho ichi.

Ndipo umo ndimo Yesu wakachitira para Iyo—para Iyo wakafwira kwananga: Iyo wakakoma chirichose icho kwananga kukachita, Iyo wakatiwombora ise kwathunthu. Ise sono tikupokera—malipiro kufuma ku chithu chikuru... ndalama za chikhole cha uwombozi withu wathunthu pa kwiza Kwake kamozaso.

Ntheura, imwe wonani, urwari mwakurunjika ndi—ukupangika kufuma ku kwananga. Munyake wakananga. Kukaŵavye urwari kufikira kuti kwananga kukaŵako. Ndipo nthaura para kwananga kukati kwanjira, urwari ukarondezga ichi. Urwari ndi ukhaliro wa kwananga. Ndipo nthaura, para Iyo wakati wakoma kwananga, uku kukatora maukhaliro ghose pamoza na uku. Wonani, uku kukayenera kuchita.

Sono, ise tiŵazgenge usiku uwu gawo la Lemba.

Ine ndine wakukondwa chomene kuŵa na, kumanyuma kwane uku usiku uwu, gulu lane liweme la ŵabale ilo languŵa pa ungano ula mlenji uwu, ndipo nasanga, nkhuwona M’bale Shakarian kumanyuma uko, nayoso, na ŵabwezi ŵane ŵanandi, ŵanandi ŵa iwo. Nakondwa chomene kuŵa na imwe ŵabale kuno usiku uwu. Mundirombere ine sono, usange imwe mungachita.

Sono, tiyeni tijure mu Malemba, ku makani ghachoko waka, para Fumu yazomerezga.

² Ndipo kumbukirani, namachero usiku, kuromberanga warwari kamozaso. Ndipo sono para ine nkhuwowa... Tegherezgani, waliyose wayezge kuchita ichi, ntha mungalindizganga kuti chinthu chinyake chichitike. Chinthu chakuti imwe muchite, ntchakuti mugomezgeni Chiuta sono nthena. Mugomezgeni Iyo sono nthena! Mukuwona?

³ Sono kuli kuwa mitundu yose ya mautumiki. Chiuta, mu mazuwa ghaumaliro agha, ine nkhuwomezga, wali kutipa chirichose icho Iyo wali nacho mu Buku Lake. Chirichose icho Iyo wali kulayizga, ise tachiwona, ndipo kweni kukuwoneka ngati kuti wanthu wakupulikiska yayi ichi. Iwo weneawo wali kwimikikira kuchipulikiska ichi, wachipulikiskenge ichi; wêkha pera. Ichi chikuburumutizga yumoza; chikujura maso gha munyake.

⁴ Kumbukirani, ise tikugomezga kuti Yesu Khristu ndi mweneyura mayiro, muhanyauno, na muyirayira. Iyo wandafwe, kweni ngwamoyo muyirayira. Ndipo Iyo wali muno usiku uwu. Ise tiri mu Kuwapo Kwake, usiku uwu, ndipo Iyo wali muno kuti wakhozgere na kukwaniriska phangano lililose ilo Iyo wakapangira ya nyengo iyi. Ndipo Iyo ndi mweneyura mayiro, muhanyauno, na muyirayira. Ntheura, chirichose icho Iyo wakaŵa, Iyo wali, usiku uwu. Ntheura tiyeni timugomezge Iyo sono, apo ise tikuwazga Mazgu Ghake na kuyowoya za Iyo, pa maminiti ghakurondezgako fifitini, twente.

⁵ Genesis, chipatulo 22, ndipo vesi 7 na 8, munthowa ya kusangirapo makani.

Ndipo Isaac wakayowoya kwa Abraham dada wake, ndipo wakati, Adada Wane: ndipo iyo wakati, Ine ndiri pano, mwana wane. Ndipo iyo wakati, Wonani moto na nkhu: kweni kasi walinkhu mwanamberere wa sembe yakotcha?

Ndipo Abraham wakati, mwana Wane, Chiuta waperekenge iyomwene mwanamberere kuwa sembe yakotcha: ntheura iwo wakaruta wose pamoza.

⁶ Fumu Yesu, tumbikani Mazgu Ghinu, nkhuromba Igho ntha ghawerere pawaka, kweni nkhuromba kuti njere ziwe pa dongo kuti zipambikenge chiponosko kwa iwo weneawo mbakusoŵeka, kose kuthupi na ku uzimu. Ise tikujipereka taŵene kwa Imwe; mpingo, gulu, Mazgu, mutu, makani. Nkhuromba Mzimu Mutuwa watorere ulamuliro wa mathupi ghithu, mwakuti ise timuwone Yesu Khristu. Amen.

⁷ Ine nkhuumba kuti ndiyowoye pa maminiti ghachoko ghakurondezgako sono pa: *Nthowa Yakuperekeka na Chiuta Ya Mu Dazi Ili.*

⁸ Chiuta nyengo zose wali kuwa na nthowa. Kuli nthowa ziwiri, ndiko kuti, nthowa zithu panji nthowa Zake. Chiuta wali nayo nthowa ku muhanyauno, pakuti Iyo nyengo zose

wali kupanga nthowa ku chirichose. Chiuta, pa chiyambi, wakamanya umaliro, nthaura Iyo wali kukhazikiskirathu Malemba Ghake ku muwiro uliwose. Ndipo muwiro ula, para uwu wafika... Sono kutondeka yayi kuchiwona ichi. Muwiro ula, para uwu wafika, nyengo zinandi utumiki ukuŵa wakutimbanizgikira chomene mu visambizgo, na vinyake nthaura, na myambo, kufikira kuti uwu uli makilomita mamiliyoni kutali na Mazgu.

⁹ Ndipo nthaura Chiuta nyengo zose wakutuma munyake pa malo, muprofeti. Ndipo muprofeti uyu... Chiuta wakusinthia yayi kachitiro Kake. Iyo wakusinthia yayi nthowa Zake. Iyo nyengo zose wakuchita ichi munthowa yeneyira. Iyo nyengo zose wali kuchita; Iyo wakwenera kuti wachite ichi nyengo iyi. Ndipo, kwizira mu ichi, Chiuta wakuchita na kukhozgera Mazgu ghara. Umo ine nkhayowoyera kwa imwe usiku wamara, Chiuta kuchitanga kutanthauzira Kwake yekha. Chiuta nthu wakusoweka munyake kuti watanthauzire Mazgu kwa Iyo. Iyo wakutanthauzira Ichi Iyomwene, pakuchita kukhozgera Ichi, kupanga Ichi chenekocheneko. Ndipo para Chiuta wayowoya kuti Iyo wachitenge chinthu chinyake, nthaura Iyo wakuchita ichi, kulije fumbo lililose ku ichi. Umo ndimo Iyo wakuchitira ichi.

¹⁰ Nthaura Chiuta wali kutipangira nthowa ise. Chiuta wakuŵatemwa ŵana Ŵake. Iyo wakuŵatemwa ŵanthu Ŵake. Iyo wakukhumba kuti waŵavwire iwo. Iyo wakukhumba kuti wamovwireni imwe kuruska umo imwe mukukhumbira wowwiri. Usange imwe mungaŵika waka icho mu mtima winu, kuti Chiuta ngwakunozgeka chomene kuti wamovwireni imwe kuruska umo imwe mungajivwilira mwaŵene. Kweni Iyo wali na nthowa, ndipo iyo ndi nthowa yekha pera iyo Iyo wagwiriskirenge ntchito ndi kwizira mu nthowa Yake. Imwe mukwenera kuti mwize ku vyakukhumba Vyake, nthu vyakukhumba vyinu. Vyakukhumba vyake! Imwe mukuchikhumba ichi munthowa yinyake, kweni Iyo—Iyo wakupereka ichi kwa imwe munthowa Yake.

¹¹ Ngati Naaman kujibizganga mu—a—maji gha Jordan. Chifukwa, iyo wakati maji mu charu chake ngakutowa chomeniko ndipo ghawemiko, kweni chira nthu ndicho muprofeti wakayowoya. “Jibizge umu.” Iyo wakabira kamoza, vyoni vikaŵapo ndipera; kankhonde na kaŵiri, ivi vikaŵa vichalipo. Iyo wakayenera kuti wapulikire na kwiza ku nthowa ya Chiuta. Ndipo para iyo wakati wapulikira kwathunthu nthowa ya Chiuta, vyoni vikamara.

¹² Ndipo ine nkhuwowyoya, usiku uwu, kuti usange ise tikupulikira nthowa yakuperekeka na Chiuta, vyoni virutenge, urwari urutenge, chirichose chirutenge, kweni ise tikwenera kuti tifiike ku nthowa Yake ya nyengo iyi. Sono, kubiranga mu Jordan nthu kungachita chinyake chirichose sono; yira yikaŵa

ya Naaman. Dango likaŵa la—la Ŵayuda. Uchizi ukwiza na Khristu.

¹³ Kweni muwiro uliwise uli na gawo lake la Ivangeli lakurosikereka kale. Baibolo ili ndi uvumbuzi wathunthu wa Yesu Khristu. Vingaŵako yayi vinandiingasazgikako ku Ili, panji kufumiskikako ku Ili; munthu uyo wachitenge ichi watembekenge. Ise ingasazgirako kalikose yayi ku Ili, ingafumiskako chirichose yayi ku Ili. Ise tikwenera kuti tilawiske mkati Umu ndipo tiwone icho chiri kulayizgikira muwiro uwu, ndipo pamanyuma tikuchiwona ichi chikuchitika. Uyo ndi Chiuta kutanthauziranga Yekha Mazgu Ghake. Para Ili likati, “Mwali wazamutora nthumbo,” iyo wakayitora. Uko ndi kutanthauzira kwa Chiuta kwa Ichi. Icho Iyo walayizga, ndicho Iyo wakuchita.

¹⁴ Sono ise tikuwona kuti Chiuta nthu wakusintha ndondomeko Zake za kachitiro ka vinthu. Iyo nyengo zose wakuchita ichi mwakuyana. Ise rutaruta tikusintha chifukwa chakuti ise ndise ŵakugota. Ise tikupanga mitundu yose ya kunangiska, ndipo ingamanya kuchipanga makora na kuwoneka makora. Kweni Chiuta wakugota yayi. Chigamuro chake chakudankha ntchakufikapo nyengo zose. Iyo wingasazgirako yayi mahara. Iyo wakaŵa... Iyo ndi jando la vinjeru vyose. Iyo ndi vinjeru vyose. Iyo ndi nkhangono zose, wankhangono zose, wakusangika palipose, wakumanya vyose, ndipo wakugota yayi. Ntheura ipo, para Iyo wakuyowoya chinyake, demerereskani uzima winu pa Ichi, chifukwa uwu ndi unenesko.

¹⁵ Sono mipingo yinyake yikuti, “Ndipo ise tikugomezga yayi *Ichi*, ndipo ise tikugomezga icho.” Chiuta nthu wazamkweruzga pakugwiriska ntchito—charu pakugwiriska ntchito mpingo. Iyo wakweruzga ichi pakugwiriska ntchito Yesu Khristu, ndipo Yesu ndi Mazgu. Iyo wazamkweruzga mpingo pakugwiriska ntchito Mazgu.

¹⁶ Ndipo usange *Uwu* ndi uvumbuzi wa Yesu Khristu ku miwiro yose, na ku muwiro uwu, Iyo wali kuvumbura mu Baibolo ili icho Iyo wachitenge mu muwiro uwu; ndipo para ise tikuwona Ichi chikuchita ichi, para ise tikumuwona Iyo wakuchita icho Iyo wakalayizga kuti wachitenge. Ntha kubabika na mwali; apo pakawira virimika thu sauzandi vyajumpha. Kweni icho Iyo wakalayizga kuti wachitenge muhanyauno, icho Iyo wakayowoya kuti Iyo wachitenge muhanyauno, icho ndicho Iyo wali muhanyauno.

¹⁷ Nyengo zinandi, ŵanthu ŵakuti, “Enya, ine nkugomezga yayi *Icho*.” Enya, imwe muli na wakutanthauzira wa Heva kamoza; wakutora waka gawo la Ili, kweni nthu chose cha Ili.

¹⁸ Ntheura ise tikukhumba kuti tikumbukire kuti Chiuta wakukhalirira mweneyura. Mazgu Ghake, na icho Iyo

wakuyowoya, Iyo wachitenge ichi.

¹⁹ Chikuwoneska kuti Iyo wakusinthayayi. Mu Genesis 1, Iyo wakati, “Rekani mbewu yiriyose yibabe kwakuyana na mtundu wake. Rekani mbewu yiriyose yibabe kwakuyana na mtundu wake.” Ndipo nkhanira kula, ise tikukhwaska chinyake nkhanira kula icho chikususka wose wakusinthasinthayayi. Imwe mungababiskaso yayi vinthu. Imwe mutore ngati kavalo na—na—na buru, muwazekeske iwo pamoza, imwe mukusanga nyuru, kweni nyuru yingamithaso yayi na kubaba nyuru yinyake. Iyi yikurekera nkhanira penepapo. “Mbewu yiriyose ya mtundu wake.” Iwo wangamanya kupanga yinyake, kweni iyi yikujisinthayoyene nkhanira kuwereraso ku chiyambi, kuwoneska kuti iyi nthayikusinthira ku yapachanya ngati nthaura. Yayi, bwana. Iyi yikuyima nkhanira penepapo. Imwe mungamanya kusazga spinash na yinyake, pamoza, na kupanga kale, kweni imwe mungayisinthaso yayi yira kuwerera ku chiyambi. Yayi, bwana. Imwe mungamanya kuchita hayiburidi vingoma; kweni imwe mupande chingoma cha hayiburidi chira kamozaso, imwe mukusanga chirichose yayi. Imwe mukwenera kuti mupangeso iyi nyengo yiriyose. Chifukwa, Chiuta wakati, “Rekani mbewu yiriyose yipambike kwakuyana na mtundu wake.”

²⁰ Ndipo sono, pa kuchita kupanga hayiburidi vinthu, wonani icho charu chanjiramo muhanyauno. Ine nkhaŵazganga nkhanu mu, kufuma mu *Reader's Digest*, uko, “Virimika twente kufuma sono, wanakazi nthawazamkuŵa na ŵana, usange ichi chikurutirira. Iwo wakurya chakurya cha hayiburidi.” Nkhani apa njakuti, iwo wachipanga hayiburidi ichi, ndipo umo nthandimo munthu wakalengekera, kuti waryenge mtundu ula wa chakurya. Ili likapangika kuti likumane na ichi mu... panji kuti warye ichi umo chikalengekera. Ndicho chifukwa, muhanyauno, kuti iwo wangasunga yayi nyama na chirichose umo ichi chiliri, ndi chifukwa chakuti ichi ntcha hayiburidi, chakupandika mwakwenerera yayi, ndipo, o, mtundu uliwose wakachitiro. Chose ichi chatimbanizgika. Ichi chafika uko mtundu wose wa ŵanthu ukuparanyika kwizira mu kuphindura kwawo ŵekha, pa kuchita kuyezganga kutora chinyake icho Chiuta wakapanga chiweme, ndipo wakuchisinthayayi na kuchipanga ichi munthowa yinyake, mu nthowa yawo na yawo. Chilekeni ichi umo Chiuta wakachipangira ichi!

²¹ Ichi chafika nanga ndi ku malo uko iwo wakuyezga kuwupanga hayiburidi mipingo, muhanyauno; kufuma ku ubapatizo weneko wa Mzimu Mutuŵa, kufika ku kukorana chasa; mtundu unyake wa kuwazgirana, kufika ku ubapatizo wa maji. O, mwe! Chinthu chose ntcha hayiburidi. Ise tikukhumba kuti tiwerere kumanyuma.

²² Mbewu ya hayiburidi, imwe mukwenera kuti muyinyengerere iyi na kuyithira mankhwala iyi, na

kuchimbizgira kutali vibenene na wabingiza kutali na iyi. Kweni ntha mbewu yeneko yathanzi; iyo njakukhora, njankhongono, yikumanya kuti vibenene vyafika pa iyo. Iyi yiri na vyakukwanira mwa iyo kuti yichimbizgire chibenene kutali.

²³ Ndipo nthaura ndimo waliri Mukhristu mweneko! Imwe ntha mukwenera kuti mumunyengerere iyo na kumuphamaska iyo, na kumuphalira iyo *ichi*, *icho*, panji *chinyake*. Iyo wali na chinyake mwa iyo, ubapatizo wa Mzimu Mutuwa, uwo ukuponya kutali vinyake vyose vya ichi. Ntha mukwenera kuti mumukoserezge iyo, chifukwa iyo ndi mbewu yeneko ya Chiuta. Iyo wali na chinyake mwa iyo icho chikurwa. Mukhristu wakurwera mtunda uliwise wa malo agho iyo wakuyimapo. Iyo wakwenera kuti wachite icho, usange iyo wakukhazga kuti waŵepo. Ndipo, pakuchita ichi, muli Chinyake mwa iyo icho chikumupwererera iyo.

²⁴ Eva wakayezga kughapanga hayiburidi Mazgu, pa mtendeko. Chiuta wakamuphalira iyo, “Dazi ilo imwe muzamkuryako ichi, dazi lenelira imwe muzamkufwa.” Iyo wakayezga kuti wasinthe Ichi na kumanya uko Satana wakamupa iyo. Ndipo para iyo wakati wachita, iyo wakataya mtundu wose wa ŵanthu, nkhanira kwenekula, kwa devulu, para iyo wakati wayezga kusazga Mazgu gha Chiuta ghambura kusakanikirana na kumanya.

²⁵ Ichi ntha chikwiza kufumira ku kumanya kwa Mazgu, ichi chikwiza na nkhangono ya Mzimu Mutuwa! “Ntha na mazaza, na nkhangono, kweni na Mzimu Wane,” wakuti Yehova. Umo ndimo Chiuta wakuchitira ichi. Mazgu gha Chiuta ndi Mbewu ya Umoyo Wamuyirayira.

²⁶ Usange imwe mukuyezga kuti mughapangange hayiburidi Ighe, kasi imwe muchitenge vichi? Imwe mujikomenge mwaŵene na Agha. Ichi chigwirenge ntchito yayi. Agha nthu ghasazgikanenge kuruska mafuta panji umo maji ghandasazgikiranepo. Ighe ghachitenge yayi ichi.

²⁷ Iwo ŵali kutondeka, mu nthowa yose, ŵali kuyezga kuti ŵasange chinyake icho ntchiweme kuruska nthowa ya Chiuta yakuchitira ichi. Imwe mukumanya, iwo ŵali kuyisanga yayi nthowa, yiwemiko, yakuti nkhuu yibabike mu charu ichi, kuruska kujura nthowa ikokekha kuruta kuwaro kwa chikhokho chake. Kasi imwe mukamanyanga icho? Iwo ŵandayisange nthowa yiwemiko. Kanthu kachoko kakubabika na kakusongoka kachoko ku umaliro wa kake—ku umaliro wa kamlomo kake. Ndipo kamlomo kachoko ako iko kali nako, kuti kagwiriskire ntchito na kuti kakong’onthere, kukong’onthera kumanyuma na kunthazi, kufikira kuti iko kakupanga mutu wake ukuyambako, kakufumiska mutu wake kuwaro, kakuyamba ulendo wake mwakumasuka. Ndi nthowa yakuperekeka na Chiuta. Imwe mukaguzire kuwaro iko kufuma

mu chikhokho, nthowa iyi yikomenge iko. Iko nthā kakhallenge kamoyo usange imwe mukaguzirenge kuwaro kufuma mu chikhokho. Iko kakwenera kuti kayendere nthowa ya Chiuta.

²⁸ Ilo ndilo suzgo na Ŵakhristu muhanyauno. Ise tikuŵapepeka chomene iwo, ndipo ise tikakorako chasa chawo ndipo tikiza nawo iwo mwachisisi, ndipo tikaŵajoyiniska iwo mu mpingo. Icho iwo ŵakukhumbika ndi lurombo la pa guwa lakachitiro kakale uko iwo ŵakupemphera mwakurutilira, kufikira kuti ŵakujigwiriska ntchito iwoŵene, ŵakunjira mu nthowa yakuperekeka na Chiuta, kufikira kuti iwo ŵakujimasura iwoŵene ku charu. Suzgo la ichi, muhanyauno, iwo ŵakulembeska zina lawo pa buku ndipo ŵakujoyina mpingo, ndipo ndicho chekha chiriko ku ichi. Kweni nthowa ya Chiuta, nthowa yakuperekeka, njakuti mukhale penepapo ndipo mujipangire nthowa mufume, kufikira kuti Chiuta wamupasani imwe Kubabika kuphya. Uwo mbunenesko ndendende. Kumusoloramo iyo, iyi yimukomenge iyo.

²⁹ Ilo ndilo ndi suzgo, muhanyauno, na ŵanthu. Kubabika kuphya, iwo wose ŵakugwentha ichi. Iwo ŵakutemwa yayi ichi. O, iwo ŵali kusinthaniskana na chinyake na Kubabika kuphya, “ŵakwiza ndipo ŵakugomezga, ndipo ndicho chekha imwe mukwenera kuti muchite.” Devulu wakugomezga, iyoŵene, ndipo imwe mukumanya kuti iyo ndi wakubabikaso yayi. Kuliko kubabika kuphya. Chiripo chinyake chikwendezgana na ichi, ichi chiri ngati chambura kwenerera, chiheni ku charu.

³⁰ Kubabika kulikose ndi unyakasi. Ine nkhipwerera yayi uko uku kuli. Usange uku kuli mu chitupa cha nkhumba, panji—panji chipatala. Kubabika ndi unyakasi.

³¹ Ntheura kuli Kubabika kuphya! Uku kumupangiskeninge imwe kuchita vinthu ivyo imwe nthā mukaghanaghana kuti imwe mungachita. Uku kumupangiskeninge imwe kugwada pa guwa na kulira, kuchemerezga, kufumiskako penti kumaso kwinu, mukwezge mawoko ghinu, mumurumbe Chiuta, kuyowoya malilime, na mitundu yose ya vinthu. Kubabika kuphya kuchitenge icho chifukwa ndi nthowa yakuperekeka na Chiuta yakuti mubabikeso.

³² Imwe mukwenera kuti mufwe. Imwe mukwenera kuti mufwe pambere imwe mundababikeso. Njere yiriyose yikwenera kuti yifwe pambere iyi yindamereso. Pekhapekha iyi yifwe, iyi yikukhalirira yekha. Munthu wakwenera kuti wafwe ku kughanaghana kwake yekha. Iyo wakwenera kuti wafwe ku kughanaghana za chirichose kupaturako Mazgu gha Chiuta, ndipo wayendere nthowa Yake. Agho ndi malo gha Chiuta. Ise nthā tikukumana na Iyo pa maghanoghano ghithu; ise tikukumana na Iyo pa icho Iyo wakayowoya kuti tichite. Iyo ndi nthowa ya kuperekeka na Chiuta ya ichi. Ŵanthu ŵakugwentha iyi; iwo ŵakuyikhumba yayi iyi. Kweni uwu mbunenesko,

chimozi mozi waka. Iyi, ichi yikupanga nyifwa, ndipo imwe mukwenera kuti mufwe, mufwe ku kughanaghana kwinu.

³³ “Enya, ine nkhumanya Baibolo likuyowoya ichi, kweni ine nkhopulikiska yayi ichi.” Ntheura khalani penepapo mpaka Chiuta wavumbure ichi. Uwo mbunenesko. Ichi chikwenera... Uko ndi Kubabika kuphya.

³⁴ Mabaka gha milomo yakupapatala na mabaka gha masingo ghatali, igho ghandayisange nthowa yiwemiko yakurutira Kumwera, kuruska kuchita kuwungana chakudankha. Ndipo uwo mbunenesko. Imwe mughawonenge igho ghose ghakuwungana pamoza ndipo igho ghafikenge ighoghene, mtundu unyake wa kubabika nawo ukughachemera igho pamoza, ndipo igho ghakuwungana pamoza ndipo ghakuwungana pambere igho ghandawuruke, pambere igho ghandarute Kumwera. Kasi ichi ntchichi? Ndi nyengo ya chisisimuso, para igho ghose ghakuwungana pamoza. Kasi imwe mukachipulikapo chiwawa chantheura mu umoyo winu, umo imwe mukupulikira mabaka gha singo zitali ghara ghakuwungana pamoza, panji mabaka gha milomo yakupapatala? Ine nindapulikepo chantheura! Ndipo igho ghali... Kulije yinyake, nthowa yiwemiko ya igho kuti ghachite ichi.

³⁵ Nyengo zinandi, kumtunda mu Northwoods, ine nkhwona kuyamba kwakudankha kwa mphepo zakuzizima, mu Canada. Muskambo wa mabaka ukababikira kula pa nyanja yira, igho ghakawa kuti ghandafumepo pa nyanja yira, kanthu kachoko aka kakaŵa kandafumepo. Ndipo chinthu chakudankha imwe mukumanya, mphepo yakuzizima yikukhira kufuma Kumpoto. Kachoko aka, baka muchoko uyu mwanarumi, iyo wali kubabika waka murongozgi, wakuruta nkhanira kuwaro kula pakatikati pa chiziŵa chira, wakuyinuskira mphuno yake yichoko muchanya mu mphepo, wakulira kanayi panji kankhonde, ndipo baka waliyose pa chiziŵa wakwiza nkhanira kwa iyo. Ndipo iyo wakuduka kufuma kula, ndipo wakuruta waka mwakunyoroka ku Louisiana umo iyo wangamanya kurutira, ku minda ya mpunga.

³⁶ Chifukwa? Iwo ŵandamusangire nthowa yiwemiko kuti wakafike kula. Imwe mungaghaŵetera pamoza yayi igho. Imwe mughasunge igho mu chitupa ndipo... chitupa, ndipo murute nagho kusika kula. Baka yura wali na mahara ghawemiko kuruska icho. Ndipo mumuŵike iyo mu chitupa chira, kuti murute nayo kusika kula, iyo wakumanya kuti wakuruta ku chitupa cha kukamukomera. Uwo mbunenesko ndendende. Iyo wakuruta nthowa yakuperekeka na Chiuta.

³⁷ Umo ndimo munthu wakwenera kuti wachitirenge muhanyauno, ntho kusungika mu chitupa cha bungwe. Kweni yenderani mu nthowa iyo Chiuta wakayowoya kuti

munjiliremo, kwizira mu ubapatizo wa Mzimu Mutuwa na Kubabika kuphya, chisisimuso cha kuwungana. Ntha kujoyina mpingo, kwendanga kufuma khomo na khomo, na kugawanga magazini; kweni Kubabika, kuwa wakubabikaso, kuzuzgika na Mzimu Mutuwa, nthowa ya Chiuta, kujimasuranga iyomwene ku charu. Mbunenesko! Kugomezganga Mazgu gha Chiuta! Ora liri apa. Icho ndicho ise tikwenera kuti tigomezge.

³⁸ Munthu, imwe ntha...Ine nkhopwerera yayi kwali ndi wanthu walinga wayezgenge kuti warute ku chiziwa chira cha baka kumtunda kula na kuti, “Sono lindizgani miniti pera, imwe mabaka ghachokoghachoko, niri na chinyake chakuti niyowoye kwa imwe. Ise tiri na baka wakusambira uku. Iyo wali na Ph.D. na LL.D. ine nkhophalira iwe, iyo wangamanya kukurongozgani imwe.”

³⁹ Mabaka ghara ghakawa na mamanyiro ghawemiko kuruska icho. Enya, bwana. Igho ghakupwerera yayi za masambiro ghake ghawemiko, chirichose icho chiriko. Igho ghangamanya kuphala kaliro kanyake ako iyo wakupereka. Ndi kakubabika nako. O, mwe! Mpingo ukwenera kuti umanye vinandi vyantheura vya Mazgu gha Chiuta!

⁴⁰ Uku ndi kulira kunyake kwambura kumanyikwa. Baibolo likayowoya, Paulos wakati, “Usange mbata yikupereka kaliro kambura kumanyikwa, ndinjani wangajinozgekereska iyomwene kuruta ku nkondo?” Uwo mbunenesko, usange mpingo—usange mpingo ukupereka kaliro kambura kumanyikwa makora ka “kujoyinanga.”

⁴¹ Chiuta wakati, “Kubabika!” Icho Kubabika kukachita kula, Kubabika kukuchita ntheuraso muhanyauno, chifukwa Yesu Khristu ndi mweneyura mayiro, muhanyauno, na muyirayira. Icho Iyo waka wa kale, Iyo wali muhanyauno. Icho iwo wakachita kale, ndi chinthu chenechira ise tikuchita muhanyauno. Umo iwo wakaupokerera Uwu kula, ndi chinthu chenechira iwo wakuchita muhanyauno. Chinthu chenechira iwo wali nacho muhanyauno, ndicho iwo waka wa nacho kale kula. Usange Uwu ufikenge munthowa yiriyose, Uwu ukwiza mwantheura umo. Iyo ndiyo nthowa, nthowa yakuperekeka na Chiuta. Iyi yikusintha yayi.

⁴² Mabaka ghakusintha yayi. Igho ghakuwungana kwathunthu, chirimika chirichose, ghakuruta kumpoto, kumwera, na kulikose igho ghakuruta. Igho chakudankha ghakuwungana.

⁴³ Umo ndimo Chiuta wakuchitira. Iyo wakutuma Mazgu Ghake pa nyengo, nyengo yira, pamanyuma Ichi chikuwonekera. Ndipo ine nkhopwerera yayi kasi ndi vinthu vinyake vilinga ivyo vikuchitikanga; para iwo wakuwona Mazgu gha Chiuta agho ghakulayizgikira nyengo yira, pakuwa ghakukhozgeka na

kulayizgika, kulije chirichose chiwatondeskenge iwo. “Mwali wazamuyima.” Ndipo para iwo wakati. . .

⁴⁴ “Yehova Chiuta withu wazamuwuska Muprofeti wakuyana na ine,” Moses wakayowoya.

⁴⁵ Ndipo para iwo wakati wamuwona Mwanarumi uyu wakwiza na kuchita vinthu ivyo Iyo wakachita, iwo wakamanya yura wakaŵa Mesiya. Para Filipu wakati wawona chira chikachitika, iyo wakati, “Imwe ndimwe Khristu. Imwe ndimwe Fumu ya Israel.” Iyo wakachimanya ichi chifukwa Mazgu ghakalayizga ichi, ndipo igho ghakaŵa ghamoyo mu nyengo yira. Paliye kanthu kwali pakaŵa waFarisi walinga, waSaduki, wakayimirira zingirizge, Madokotala gha Vyauzimu, ichi chikamurekeska yayi iyo napachoko, chifukwa iyo wakapenjanga chimanyikwiro chira. Para iyo wakati wachiwona ichi chikuchitika, chira chikaŵa chimanyikwiro cha ora lira. Icho ndicho iwo wakapenjanga, nthowa ya Chiuta yakuperekeka. Enya, bwana.

⁴⁶ Sono imwe mungamupasa yayi baka, masambiro. Iyo wangachita yayi ichi. Iyo wangachikhumba yayi ichi. Mabaka ghanyake ghose hangamurondezga yayi iyo, paliye kanthu kwali iyo wangayowoya kuti wakaŵa na madigrii ghalinga. “Sono, laŵiskani kuno, ine nkharuta ku sukulu ya mabaka. Ine nkhumanya vyose vya ichi. Ine namalizga masambiro. Ine nkhuvimanya vinthu vyose ivi.” Ichi ntha chimuchitirenge chiweme chirichose. Paliye yumoza wa mabaka ghara wangamurondezga iyo, usange igho ndi mabaka gheneko, amen, chifukwa iwo wakupenja chimanyikwiro chinyake. Para iwo wakuwona chimanyikwiro chira, iwo wakugomezga ichi.

⁴⁷ Ndipo usange baka wali na nthowa yakumanyira ichi, kuli uli na Mukhristu wakubabikaso? Ise tikwenera kuti timumanye Yesu Khristu mu nkhangono ya chiwuka Chake. Mbunenesko. Chiuta wakuchita ichi munthowa yakuperekeka na Chiuta.

⁴⁸ Kumbukirani, masambiro ntha ghangaŵa chipangizo chakuti chingawarongozgera iwo ku malo ghakuperekeka na Chiuta. Chipangizo icho iwo wali nacho ndi kumanya kwakubabika nako. Ndipo igho, mabaka ghara, ghakumanya kuti kamanyiro kala kakubabika nako kaghatorenge ku malo ghakuperekeka na Chiuta.

⁴⁹ Ntheura ukuchita Mzimu Mutuŵa ukuwutorera Mpingo ku malo ghakuperekeka na Chiuta. Ntha kujoyina mpingo, kweni kuzuzgika na Kuŵapo Kwake, kuti wawone Mazgu Ghake ghakuwonekera, ghakukhozgeka. Iyo ndi nthowa yakuperekeka na Chiuta ku mpingo, nyengo zose, ku wanthu, kuti wawatorere iwo ku malo uko Chiuta wali kuŵapa iwo. Icho ndendende ndicho mpingo ukwenera kuŵa muhanyauno. Sono, ise tikumanya uwo ndi unenesko.

⁵⁰ Kulije nthowa yiwemiko ya...Iwo wāndayisange nthowa yiwemiko ya mwana kuti wapokere icho iyo wakukhumba kuruska kulirira ichi. Usange imwe mungamupa iyo belu, na kuti, “Junior, iwe uli na waka na mazuwā ghatatu ghakubabika, kweni sono para iwe ukukhumba, para iwe ukukhumba botolo lako, kwezga muchanya belu ili ndipo lizga ili,” muwone usange ichi chigwirenge ntchito. Chigwirenge ntchito yayi. Mwana wakulirira icho iyo wakukhumba. Iyo ndi nthowa yakuperekeka na Chiuta. Mwakukwezga iwe ukulira... Kumukwapula yayi mwana muchoko, iyo wakurondezga waka nthowa yakuperekeka na Chiuta. Iyo wakukhumba chinyake. Uwo mbunenesko. Ndi nthowa yekha pera iyo wakumanya kuchemera amama wake; kuchemerezgera pa ichi, kulirira ichi. Uwo mbunenesko.

⁵¹ Chiuta wakukhozgera ichi ku wana Wake. Chiuta wakukhozgera ichi ku wana Wake wakugomezga. Iyo wakachita. Ntha mayowoyo gha zeru za m'mutu, ntha kusambira kunyake kukuru kwa vyauchiuta, kusambira vyauchiuta kwakuti imwe musambizge. Iyo wakukhumba kuti imwe mulirire vyakusoweka vyinu. Ndipo uwo mbunenesko, Kulirira ichi! Imwe ndimwe wanonono chomene na wambura kususkika, imwe mupokerenge yayi ichi. Usange imwe mwanozgeka kujimasura mwaŵene pachoko, na kulira, Chiuta waperekenge ichi kwa imwe. Iyo wakutemwa kupulika wana Wake wakulira. Lirirani vyakusoweka vyinu kwa Chiuta! Chiuta wakuchikhumba ichi. Iyo ndi nthowa Yake yakuperekeka. Lirirani ichi! Umo ndimo mwana wakulirira; umo ndimo Iyo wakukhumbira kuti imwe mulirirenge.

“Kulira mpaka pauli?”

⁵² Kasi mwana wakulira nyengo yitali uli? Kufikira kuti iyo wakhorwa. Ndipo umo ndimo Mukhristu wakugomezga wakwenera kuti wachitirenge, mwana wa Chiuta. Usange imwe mukuwona kuti Chiuta wakapanga phangano, mungagongowanga yayi, lirani mpaka ili lizgoreke. Lirani mpaka imwe muwone kuti Chiuta wakukhozgera Mazgu Ghake. Para Chiuta wakhozgera Mazgu Ghake, na kusimikizgira kuti ichi chiri apa, nthaura imwe ntha mukwenera kuti murutilire kulira; imwe mwapokera ichi, fumanipo ndipo muwongeni Iyo pa ichi. Mpaka imwe muchite icho, lirani mpaka imwe mupokere ichi. Ine nkchuchitemwa icho, chitatata, kukoreskanga.

⁵³ Ntha mbewu ya hayiburidi, ntha yimoza iyo yikwenera kuti yipwelereke na kunyengerereke na kuvikilirika mwapakuru. Wakhristu mbanadinadi, wakufikapo, wakubabika, vitevetero vya Chiuta. Iwo wakurwera malo ghawo, ndipo wakurwa kufikira kuti iwo wamara pa charu chapasi ichi. Kusuntha kulikose kwa ichi ndi kurwa.

⁵⁴ Chiuta wakamuphalira Moses kuti Iyo wamupa charu. Iyo

wakamuphalira Joshua, “Malo ghalighose agho rundi, panji chikandiro cha rundi lako, chadyaka, agho Ine namupasani imwe.” Iwo wakayenera kuti warwe mtunda uliwose wa ichi. Ntheura ise tikurwera mtunda uliwose wa ichi. Ichi nthu ndi chinyake chakuti ise tipwelereke na kunyengerereke, na kuvikilirika ngati ntheura, na kuti, “Enya, ine nirutenge nawe kudera kula, niwone kasi iwe ukughanaghana vichi za ichi. Iwe yowoya maghanoghano ghako.” Iyo nthu ndi nthowa yakwizira.

⁵⁵ Zanninge na chisimikizgo. Zanninge kuti imwe mukhalenge penepapo kufikira kuti vyamara. Khalani penepapo kufikira kuti Chiuta wazgora ndipo wakhozgera. Munthu uyo wakugomezga mwa Chiuta, wangamanya kukuwona Kuwapo kwa Chiuta, wangakupulika Kuwapo kwa Chiuta, wangakhwaskika na Kuwapo kwa Chiuta, na kumanya kuti Iyo wali muno. Iyo wali muno kuti wazgore chirichose icho Iyo wakalayizgira mu nyengo iyi. Ntheura, lirani mpaka imwe mupokere ichi! Koreskani kwa Iyo. Kufumapo yayi, usange imwe mukwenera kuti mukhale muhanya na usiku. Chiuta wakukhumba yayi wana Wake kuti wategherezgenge ku mayowoyero gha zeru za m'mutu. Iyo wakukhumba kuti iwo walirire ku Ichi, kufikira kuti phangano lakhozgeka.

⁵⁶ Abraham apa wakakhumbanga sembe. Kasi kukachitikachi? Chiuta wakapereka mwanamberere. Yira yikaŵa nthowa yakuperekeka na Chiuta. Iyo wakakhumbanga sembe, ntheura Chiuta wakapereka ichi. Pamanyuma, iyo wakachema malo *Jehova-jireh*, “Yehova waperekenge Iyomwene sembe.”

⁵⁷ Sono, Job, nyengo yimoza, muprofeti mulara, Job. Iyo wakaŵa muprofeti. Iyo wakasangika mu suzgo. Satana wakakhumba kuti wamuyezge iyo, ndipo iyo wakamupangiska iyo wafume vilonda. Ndipo iyo wakatora wana wake, iyo wakatora wiweto vyake, iyo wakatora vyose iyo iyo wakaŵa navyo, ndipo iyo wakamupangiska wafume vilonda.

⁵⁸ Ndipo wapembuzgi wake wakiza, kasi iwo wakachita vichi? Iwo wakamupa kalikose yayi kweni munyozo, wakamuseka iyo, kumuphaliranga iyo, “Chifukwa, iwe wananga, mwakubisirizga.”

⁵⁹ Ndipo Job wakakoreska waka. Iyo wakalira. Iyo wakaŵa na chisimikizgo kuti iyo wakarondezganga marango gha Chiuta. Iyo wakachita waka ndendende icho Chiuta wakalayizga kuchita. Icho Chiuta wakamulayizga iyo, kuti Iyo wazamuyima pafupi na iyo, pasi pa sembe yakotcha, ndipo iyo wakakhala penepapo.

⁶⁰ Ntheura, Chiuta wakamupa mboniwoni iyo. Iyo wakaŵa muprofeti. Kasi iyo wakawona vichi? Iyo wakawona Mazgu, Yesu Khristu. Iyo wakati, “Ine nkhumanya Muwomboli wane ngwamoyo. Ndipo mu mazuŵa ghaumaliro, Iyo wazamuyimilira pa charu chapasi. Nangauli mphorosi za thupi zingananga

thupi ili, kweni mu thupi lane ine nizamkumuwona Chiuta.” Wonani, Iyo wakapereka mboniwoni ya chiwuka kwa iyo. Iyo pakuwa muprofeti, iyo wakawona Mazgu. Iyo wakawona Mazgu ndipo iyo wakamanya kuti viwangwa vyake na thupi lake vizamkuwukaso mu nyengo yaumaliro. Iyo wakamufumba usange iyo wakamanya uko Chiuta wakaŵa, usange iyo wangawona waka.

⁶¹ Iyo wakati, “Luŵa likufwa, ili likuwukaso; khuni likunjira pasi, ili likuwukaso; kweni munthu wakugona pasi ndipo wakupereka mzimu, iyo wakavunda, kasi iyo walinkhu? O kuti Imwe mungamanya kunibisa ine mu dindi, na kunisunga ine mu malo ghakubisika kufikira kuti ukali Winu ujumpha.”

⁶² Pamanyuma vidududu vikayamba kududuma, leza wakayamba kuthwanima, Mzimu wa Yehova ukiza pa muprofeti. Ndipo iyo wakayimirira, ndipo iyo wakawona Kwiza kwa Fumu, ndipo iyo wakachemerezga, “Ine nkhumanya Muwomboli wane ngwamoyo, ndipo mu mazuŵa ghaumaliro Iyo wazamuyimilira pa charu chapasi. Nangauli mphorozi za thupi zingananga thupi ili, mu thupi lane ine nizakumuwona Chiuta.” Chiuta wakapereka Mazgu, Yesu Khristu, ndipo iyo wakamuwona Iyo ndipo wakamuchema Iyo Muwomboli wake.

⁶³ Israel wakakhumbanga nthowa yakufumira mu Egipto, ndipo Chiuta wakawapa iwo muprofeti, muprofeti uyo wakukhozgera Mazgu agho ghakalayizgika kwa Abraham. Ndendende, nthowa yakuperekeka na Chiuta! Iwo nthwa wakasambizga msirikali, iwo nthwa wakachita *ichi*, iwo nthwa wachita *icho*. Chinthu chekha pera iwo wakachita chikaŵa kulindizga nthowa yakuperekeka na Chiuta. Ndipo Iyo wakayowoya, wakati, “Iyo wazamkuwafumiska ŵanthu ŵara, para pajumpha virimika foru handiredi. Ŵanthu Ŵake wazamkuwa mu uzga, kweni Iyo wati waŵafumiskenge iwo na woko lankhongono. Iyo wati wawoneskenge vimanyikwiro Vyake na vyakuziziswa, na kusanga uchindami mu charu chira.”

⁶⁴ Apa wakwiza munthu wakukhira, para iwo wakati ŵalira na kulira! Ndipo sono kumbukirani, kulira kose kukaŵawombora yayi iwo, kufikira nyengo yira yikakwaniriskika.

⁶⁵ Vinthu ivi ivyo ise tikuwona muhanyauno, nthena vikachitika yayi virimika twente vyajumpha, panji virimika fote vyajumpha. Ndi muhanyauno ichi chikuchitika. Ora ndi ili! Nyengo ndi iyi! Sono ndi nyengo ichi chakwaniriskika. Chifukwa? Chiuta wakalayizga ichi, ndipo ichi chiri apa.

⁶⁶ Iwo wakayowoya, virimika handiredi vyajumpha, kuti, “Ubapatizo wa Mzimu Mutuŵa uzamkuwakoso yayi.” Iwo wakayowoya, virimika fifite vyajumpha, “Mzimu Mutuŵa...” Kweni imwe ŵanthu ŵa Pentekosite mukaŵasimikizgira iwo, kuti likaŵa ora la Chiuta kuti wapungule Mzimu Mutuŵa. Paliye kanthu kwali Methodist, Baptist, Prezibetere, Lutheran

wakayowoya, imwe mukakhala nkhanira na Mazgu gha Chiuta. Wanarumi wa chikanga wakaruta kuwaro kula ndipo wakakoreska kufikira kuti ubapatizo wa Mzimu Mutuwa ukafika, ndipo iwo wakayowoya malilime ndipo wakamukwezga Chiuta. Kulije munyake wangamuphalira imwe chinyake chakulekana. Chiuta ndi wakujitanthauzira Iyomwene; imwe muli nacho ichi. Imwe panyake mungaŵavye kumanya kurongosora ichi, kweni imwe mukumanya imwe muli nacho ichi. Ndinjani wangamurongosora Chiuta? Kulije munyake wangachita.

⁶⁷ Ine ningamuphalirani yayi imwe umo Chiuta wakuniwoneskere mboniwoni, kweni ine nkhumanya ichi chikuchitika. Ine ningawona yayi umo Chiuta wakuchitira vinthu ivi. Ndi ntchito yane yayi kurongosora ichi. Iyo waliko, wakukhala yekha. Iyo ndi Elohim, Yumoza wakukwanira vyose. Ine ndine waka wantchito Wake. Ine nkhumanya Iyo wakalayizga ichi, ndipo ine nkhumanya ichi chiri muno. Ichu ndi chinthu chimoza ine nkhumanya. Ine nkhumanya ichu, kuti Iyo ndi mweneyura mayiro, muhanyauno, na muyirayira. Ine nkhumanya kuti Iyo wakalayizga ichi, ndipo Chiuta wali muno kuti wapange phangano Lake kuwa launenesko. Enya. Nthowa yakuperekeka na Chiuta!

⁶⁸ Israel wakapika muprofeti, uyo wakakhosgera Mazgu, ndipo iwo wakafumiskikira kuwaro. Muprofeti uyu, Moses, iyo wakakhala umoyo virimika vinandi mu mapopa, virimika fote, kusuzgikanga na wanthu aŵa, kuyezganga kuwasunga iwo kufikira kuti iyo wangamanya kuwatorera iwo ku charu chaphangano. Ichi chikafika ku malo, munthu wakayenera kuti wafwe; iyo wakaŵa na virimika handiredi na twente vyakubabika. Kukaŵavye malo gha iyo kuti wafwirepo. Para iyo wakati wanozgeka kuti wafwenge, Chiuta wakamupa iyo Jarawe; Jarawe ilo iyo wakatimba mu mapopa, Jarawe ilo likaŵarondezga iwo, kuti iwo wakamwako maji. Chiuta wakamupa Jarawe iyo, malo ghakuti wafwirepo, uko Moses wakafwa nyifwa yakwenerela.

⁶⁹ Pa Jarawe ili, Chiuta, nizomerezgeni ine nifwire pa Jarawe lenelira! Kula ndiko ine nkikhumba. Jarawe lira wakaŵa Khristu Yesu. Enya, bwana.

⁷⁰ Para iyo wakati wafwa, pa Jarawe lira, iyo wakakhumbikanga wanthu wakunyamura thupi. Chiuta wakatuma gulu la Wangelo. Ntchifukwa nthu gulu la walaraŵalara wake? Chifukwa pakaŵavye munyake wakamanya kumutorera iyo uko iyo wakarutanga, kweni Wangelo. Iwo wakaruta nayo mu Kuŵapo kwa Chiuta, iyo wakakhumbanga wakunyamura thupi ndipo Chiuta wakapereka ichi. Iyo wakaruta nthowa yakuperekeka na Chiuta. Aleluya!

⁷¹ Enoki wakayenda virimika fayivi handiredi na Chiuta, ndipo iyo wakamukondweska Iyo. Iyo wakakhumbanga msewu ukuru kuti wayendepo kuruta Kukaya. Chiuta wakapereka uwu.

⁷² Eliya wakatamba Jezebel chifukwa cha nkhope yake yakupenta, na umo iyo wakaŵapangira ŵanthu wose kuchitanga. Ndipo iyo wakavuka ndipo wakalopwa, ndipo wakakhala pachoko kuti warute Kukaya. Iyo wakachekuru chomene kuti iyo wakatondekanga kwenda kwambuka Jordan; Chiuta wakapereka nthowa kwa iyo yakuti wayambuke Jordan. Iyo wakakhumbanga kuti warute Kuchanya, kuti wakakumane na Chiuta; Chiuta wakatuma gareta la moto pasi, na ŵakavalo, ndipo ŵakamutorera iyo kuchanya. Nthowa yakuperekeka na Chiuta. Nthowa yakuperekeka na Chiuta. Iyo nyengo zose wakuchita ichi ndendende. Mbunenesko. Enya, bwana. Chiuta wakupereka nthowa, nyengozose. Enya.

⁷³ Ŵanarumi ŵavinjeru, para iwo ŵakaŵa pa ulendo wawo kufuma kumtunda mu Babulone, iwo ŵakawonanga nthowa kuti iwo ŵakakhumbanga kuti ŵakhilire kusika, chifukwa iwo ŵakayimanya Fumu iyi yikenera kuti yibabike. Iwo ŵakakhumbanga kampasi; Chiuta wakapereka Nyenyezi. Iwo ŵakaleka chinyake chirichose kumanyuma. Iwo nthwa ŵakakhumbikanga makampasi; iwo ŵakarondezga Nyenyezi. Iyi yikaŵa nthowa yakuperekeka na Chiuta. Chiuta wakapereka nthowa, iwo ŵakarondezga Nyenyezi kufikira kuti iwo ŵakakusanga Kuŵara kweneko. O!

⁷⁴ Charu chikakhumbanga Muponoski, dazi limoza. Iwo ŵakatayika; iwo ŵakamanya yayi ichi. Iwo ŵakaghanaghana kuti iwo ŵakaŵa ŵakuponoskeka, kweni iwo ŵakakhumbanga Muponoski. Chiuta wakapereka Mwana, kuŵa Muponoski. Chifukwa? Kukaŵavye munyake nthenda wakachita ichi. Pakaŵavye munthu pa charu chapasi, kukaŵavye munthu Kuchanya, kulikose, wakaŵa na nkhangono kuchita ichi. Chiuta wakaphimba mwali, iyo wakatora nthumbo ndipo wakababa Mwana-Munthu. Ndipo Mwana-Munthu yura wakaŵa wa Chiyuda yayi panji Wamitundu. Iyo wakaŵa Chiuta, wakawonekera mu thupi, Yekha pera uyo wakamanya kuwombora. Ndopa zake zikutiponoska ise. Ndopa zake zikutichizga ise. Ndi Ndopa zira izo ise tingamanya kuyimilirapo, ku phangano lililose ilo Iyo wakapanga. Chiuta wakalayizga kuchita ichi.

⁷⁵ Chiuta wakukumana na wakusopa kwizira mu Ndopa pera, na pasi pa Ndopa. Israel wakaŵa na malo ghamoza ghakukumanako na Chiuta. Ntha mu...Chiuta wali na Malo ghamoza, muhanyauno, uko Iyo—Iyo wakukumana na wakusopa; nthwa pa Methodist, Baptist, panji pa Pentekosite. Iyo wakukumana nawo kusi kwa Ndopa. Agho ndi malo ghekha pera ghakuperekeka agho Chiuta wali nagho; nthwa mu bungwe, nthwa mu mugwirizano. Kweni mu Ndopa ndimo Yesu Khristu

wakukumana na wakusopa Wake. “Para Ine nkhuwona Ndopa!” Iyo ndi nthowa yakuperekeka na Chiuta.

⁷⁶ Para mpingo ukati wakhorwa mwakukwana, para iwo wakati wamuwona Iyo, kuti Iyo wakaŵa Mesiya!

⁷⁷ Para mwanakazi muchoko pa chisime, para iyo wakakhumbanga Muponoski, iyo wakakhumbanga chinyake chakuti wawoneske. Iyo wakaŵa mu mpingo na chinyake chirichose, ndipo iwo wakhiwona chisambizgo ichi na chisambizgo ichi, kufikira kuti, iyo wakazgoka kuŵa muzaghali. Ichi chikamutorera iyo pa msewu. Dazi limoza, iyo wakarutanga kuti wakaneghe maji mu chithini, pafupifupi eleveni koloko mu muhanya, ndipo apo pakakhala Mwanarumi; muYuda pachanya apa, pa kamalo kachoko aka kakuwoneka makora. Ndipo iyo wakati. . .

⁷⁸ Para iyo wakati waruta kuti wakakhizgire pasi chithini pa chakukhizgira, kuti wanegheko maji, iyo wkapulika Mwanarumi wakuti, “Mwanakazi, nditorere maji Ine ndimwe.” Ndipo iyo wakati. . .

⁷⁹ Iyo wakang’anamuka mwaluŵiro, ndipo kumughanaghanira Iyo kuti wakaŵa waka Muyuda wamba, pakuti Iyo wakaŵa waka munthu umo thupi likaŵira. Iyo wakaŵa Munthu; wakarya, wakamwa, wakagona tulo, ngati ndiumo ise tikuchitira. Iyo wakaŵa munthu chomene kufikira kuti Iyo wakamanya kufwa, ndipo kweni Iyo wakaŵa Chiuta. Ntheura ise tikusanga, kuti para. . .

⁸⁰ Wakati, “Ndi chakwenerera yayi kuti imwe Wayuda kuti mufumbenge Wasamariya vinthu ngati iyo.”

⁸¹ Iyo wakati, “Kweni usange iwe ukamumanyenge Uyo iwe ukuyowoyeskana nayo, iwe nthena wangundiromba Ine ghakumwa.” Wakati, “Ruta ukatore mfumu wako ndipo mukize kuno.”

Iyo wakati, “Ine nirije mwanarumi.”

⁸² Wakati, “Iwe wayowoya unenesko. Iwe ukaŵapo na ŵankhonde, ndipo mweneuyo iwe ukukhala nayo sono ngwako yayi.” Kasi kukachitika vichi? Chiuta wkapereka chinyake kwa iyo.

⁸³ Iyo wakati, “Bwana, ine nkhuwona kuti Imwe ndimwe Muprofeti. Ise tikumanya kuti para Mesiya wafika, Iyo wazamkutiphalira ise vinthu ivi. Icho ndicho Iyo wazamuchita. Mazgu ghakuyowoya ntheura. Ise tikulindizga ichi. Ine ndine murwari ndipo navuka na vinthu vyose ivi, visambizgo vyawo na vinthu, Wafarisi, Wasaduki, na ŵa Herod, chirichose ichi chingamanya kuŵa. Kweni ise tikumanya kuti Mesiya wizenge, para Iyo wafika. Kasi Imwe mukuti vichi za ichi?”

⁸⁴ Iyo wakati, “Ine ndine Iyo.” Amen! Chiuta wkapereka nthowa. Iyo wakasida chiŵiya cha maji, mwanakazi

wakusinthika, ndipo wakachimbirira mu msumba, ndipo wakati, “Zaninge, muwone Mwanarumi Uyo waniphalira ine vinthu ivyo ine niri kuchita. Kasi uyu ndi Mesiya yayi?”

⁸⁵ Petros, kutegherezanga ku nkhani ya Andrey, ndipo nyengo zinandi wakategherezga, wakamupulika Andrey wakuyowoya za Yohane kumuwoneskanga Mesiya, na Mwanarumi, na vinthu vyose ivi kuchitikanga. Chose chikaŵa chamchindindi kwa Petros. Kweni dazi limoza iyo wakiza na Andrey, kuti wamuwone Yesu. Ndipo para iyo wakati wafika mu Kuŵapo kwa Yesu, Yesu wakamulaŵiska iyo, ndipo Iyo wakati, “Zina lako ndiwe Simon, ndipo ndiwe mwana wa Jonas.” Chiuta wakapereka nthowa kwa Petros kuti wawone Icho Iyo wakaŵa. Iyo wakaŵa Mesiya yura.

⁸⁶ Sono ise tikusanga, kuti para Yesu wakati wafwa, ndipo wakakwerera Kuchanya, Mpingo ukakhumbanga Nkhongono, kuti uchitire ukaboni. Chiuta wakaŵapa iwo Pentekosite. Iyo wakapereka Pentekosite.

⁸⁷ Virimika thu sauzandi viri kujumpha, ŵabwezi. Virimika thu sauzandi viri kujumpha. Mu mazuŵa ghaumaliro agha, ise tiri na ŵanandi, munthu wali kunjira mu ndondomeko ya Chikhristu ndipo wali kutimbanizga Ichi kamozaso, wachichita hayiburidi Ichi kufika ku visambizgo, mipingo, mabungwe ghasopisopi, mayowoyo gha zeru za m’mutu, kufikira kuti Nkhongono na chinthu cheneko cha Ivangeli la Khristu yatayika kwathunthu. Ndipo ise tiri apa na Mazgu ghakulayizgikira mazuŵa agha ghaumaliro, icho chichitikenge, icho chizamuchitika; munthu wakugomezga yayi Ichi. Iwo ŵali kufumako ku Ichi. Imwe muŵafumbe iwo usange iwo Mbakhristu; ŵakuti, “Ine ndiri mu *wakuti-na-wakuti*.” Icho nthu chikung’anamura chinthu chimoza. Imwe mukwenera kuŵa Mukhristu kwizira mu kubabika. Sono ise tiri na chinthu chose mu Babulone kamozaso, pati pajumpha virimika thu sauzandi.

⁸⁸ Mpingo muhanyauno ukukhumbikwa Nkhongono na Unesko, kamozaso. O! Chiuta wakawuska Mwana Wake, kuti ichi chingamanya kukwaniriskika, pakuti Iyo wakati, “Kanyengo kachoko ndipo charu chizamkuniwonaso yayi Ine; kweni imwe muzamkuniwona Ine, pakuti Ine nizamkuŵa na imwe, nanga ndi mwa imwe.” Ise tikusanga kuti, mu Ŵahebere 13:8, “Iyo ndi mweneyura mayiro, muhanyauno, na muyirayira.”

⁸⁹ Ise tikusanga kuti, mu Malaki 4, kuti Iyo wakatilayizga ise Uthenga mu mazuŵa ghaumaliro, uwo “uzamkuwezereska Chipulikano cha ŵanthu kuwerera ku ŵawiskewo kamozaso.” Iyo wakalayizga ichi, mu mazuŵa ghaumaliro.

⁹⁰ Iyo wakalayizgaso, mu Yohane 14:12, “Iyo mweneuyo wakugomezga pa Ine, milimo iyo Ine nkuchita wazamuchita nayoso. Nanga ndi yinandi kuruska iyi, panji yikuru kuruska iyi, iyo wazamuchita, pakuti Ine nkhiruta ku Wadada Ŵane.”

⁹¹ Iyo wakayowoyanga dazi limoza. Iwo wakati, “Musambizgi, tiwoneskeni chimanyikwiro ise.”

⁹² Iyo wakati, “Muwiro wakufoka na uzaghali ukupenja chimanyikwiro.” Uwo ndi muwiro uwo ise tikukhalamo muhanyauno. Iyo wakati, “Ndipo Ine niwapenge chimanyikwiro iwo. Pakuti umo Yona wakaŵira mu nthumbo ya somba, mazuŵa ghatatu na mausiku, nthaura Mwana wa munthu wakwenera kuŵa mu mtima wa charu chapasi, mazuŵa ghatatu na mausiku.”

⁹³ Kasi ndi chimanyikwiro cha mtundu uli icho muwiro uheni na uzaghali ukapenjanga? Chimanyikwiro cha chiwuka. Ndipo icho ndicho ise talayizgika muhanyauno, chimanyikwiro cha chiwuka kuti Iyo wachali wamoyo, Iyo ndi mweneyura mayiro, muhanyauno, na muyirayira.

⁹⁴ Iyo wakati, “Umo kukaŵira mu mazuŵa gha Lot,” umo ise tikayenderamo mu ichi usiku wamara. “Mazuŵa gha Lot, icho chikachitika mu mazuŵa gha Lot, nthaura ndimo kuzamkuŵira pa kwiza kwa Mwana wa munthu.” Vinthu ivi ise tiri kulayizgika, malemba ghanyake ghanandi. Kuti tireke kutora nyengo... “Kanyengo kachoko ndipo charu chizamkundiwonaso yayi Ine. *Kosmos*, ‘dongosolo, muwiro wa mpingo,’ iwo wazamkundiwonaso yayi Ine. Kweni imwe muzamkundiwona Ine, pakuti Ine nizamkuŵa na imwe, nanga ndi mwa imwe, kufika ku umaliro wa muwiro.” “Yesu Khristu mweneyura mayiro, muhanyauno, na muyirayira.” Kasi ichi ntchichi? Ndi chimanyikwiro chakuperekeka na Chiuta, nthowa yakuperekeka na Chiuta.

⁹⁵ Abraham kulindizganga mwana. Chimanyikwiro chaumaliro icho iyo wakawona pambere kundachitike kuparanyika kwa Wamitundu, wakaŵa Chiuta kuwonekera mu thupi la munthu, uyo wakamanya visisi vya mtima wa Sara para iyo wakaŵa mu hema. Yesu wakati, “Icho chizamkuwerezegeso pa kwiza kwa Mwana wa munthu.” M’bale, mlongosi, ine nkugomezga kuti ise tikukhala mu nyengo yira. Ine nkugomezga kuti iyi ndi nyengo ya phangano.

⁹⁶ Imwe mukwenera kuti muŵe na chipulikano mu icho imwe mukuchita. Usange imwe mulije chipulikano, usange imwe mukutora waka ichi mwakughanaghanira... Lizgu lakuti *presume*, kwakulingana na Webster, likung’anamura, “kuchita chinthu kwambura kuzomerezgeka.” Kweni para Mazgu ghalayizga ichi, ndipo Chiuta wayimirira kumanyuma kwa Mazgu ghara, imwe nthu mukughanaghanira munthowa yiriyose. Imwe mukuchita ndendende icho Chiuta wakayowoya kuti chitani, ndipo Iyo ngwakukakamizgika kukhozgera Ichi.

⁹⁷ Mukuru, wakutchuka, a—mupharazgi, virimika vinandi vyajumphu, ine nkhamuwona iyo para ine nkhaŵa mnyamata muchoko, wakaŵa Paul Rader. Iyo wakayowoya nkhami,

dazi limoza, iyo nyengo zose yiri kundimatirira ine. Iyo wakati, “Dazi limoza, ise tikadumuranga nkhuhi.” Iyo wakaŵa wakuwiska makuni, kumtunda mu Oregon, ndipo wakati bwana wakamuphalira iyo warute pachanya pa phiri. Iyo wakatanga. Uko iyo wakaŵa nadi, pa nyengo yira, iyo wakaŵa kusika mu vilwa; ndipo wakarwara kotcha muthupi, mukawotcha chomene, ndipo iyo wakafwanga. Iwo wakachemeska dokotala, kweni ghakaŵa makilomita na makilomita kutali, kwenda pa wato.

⁹⁸ Pambere dokotala wakaŵa wandafike kula, Paul wakayamba kufoka, wakarwara na kurwara. Iyo wakachema muwoli wake wakugomezeka. Iyo wakati, “Wakutemweka, mwayamba kuchita mdima mu chipinda, mdima ukurutilira, nkhubanika.” Ndipo iyo wakakomoka.

⁹⁹ Ndipo para iyo wakati wachita, iyo wakati iyo wakatola, para iyo wakaŵa mu kukomoka uku, kuti bwana wake wakamutuma iyo pachanya kuti wakadumure khuni linyake. Iyo wakalisanga khuni, iyo wakawiska khuni, wakaŵika mbavi yake mu ili, ndipo wakasindama kuti walitore ili. Iyo wakatondeka kulitora ili. Wakati nkhangono zake zikamara. Iyo wakatondeka kulitora ili. Iyo wakati, “Ukuru wose wa khuni lira, mwakusimikizga ine ningamanya kunyamura ili. Rekani ine niyezgeso.” Ndipo iyo wakajikama pasi ndipo wakaliyimika ili, iyo wakatokatoka kufikira kuti iyo wakavuka. Iyo wakakhala pasi kumphepete kwa khuni, ndipo wakati, “Ine nkhumanya waka yayi icho ine nichitenge. Bwana wakulikumba khuni ili kusika kula pa msasa, ndipo ine nafoka chomene kuti nilikunkhuzge ili.”

¹⁰⁰ Wakati iyo wakupulika Lizgu lakunowa chomene ilo iyo wakupulikapo, wakaŵa bwana wake uyo wakayowoya; kweni wakati, para iyo wakati wang’anamuka kuti wawone kasi bwana wake wakaŵa njani, wakaŵa Fumu Yesu. Iyo wakati, “Paul, kasi iwe ukusuzgikirachi nthura? Kasi ntchifukwa uli iwe watimbanizga? Iwe ukughawona maji ghala ghakwenda kula?” Wakati, “Uli iwe uchiponye waka chigodo mu mranga, ndipo ukwerepo urute nacho ichi? Kwera ichi ukafike ku msasa.”

¹⁰¹ Iyo wakadukira pa chigodo ndipo wakauyamba kukweranga majigha, kuchemerezganga pachanya pa mazgu ghake. “Ine nakwera pa ichi! Ine nawkwera pa ichi!”

¹⁰² M’bale, mlongosi, Yesu Khristu wakalayizga vinthu ivi kuti vizamuchitika mu mazuŵa ghaumaliro. Ine nkugomezga kuti ise tikukhala umu. Ine nkugomezga kuti Iyo ndi mweneyura mayiro, muhanyauno, na muyirayira. Ine nkhumanya yayi umo ichi chachitikira, kweni ine nakwera pa Ichi. Ine nkugomezga kuti Uwu ndi Unenesko, chifukwa Ili ndi Ivangeli, nthowa yakuperekeka na Chiuta. Ine nkugomezga Uwu ndi Uthenga wa nyengo iyi, nyengo iyo ise tikukhalamo. Ndi nthowa yakuperekeka na Chiuta. Ine nakwera pa Uwu!

Tidukirengepo yayi imwe na ine, apo ise tikusindamiska mitu yithu?

¹⁰³ Wadada Wākuchanya, ise tikuruta mu Uchindami takwera pa Mazgu Ghinu. Ise tikugomezga kuti Mazgu Ghinu ndi Unesko. O Chiuta, nkhuromba mwanarumi waliyose na mwanakazi, usiku uwu, wakwere pa Mazgu, ndipo kumbukirani, apo iwo wākuruta kukhira mu ulendo, iwo wāgamanya kuzomerezga, “Ine nkhuenda pa phangano la Chiuta. Ili linitorerenge ine nkhanira mu Uchindami. Ndi nthowa yane yakuperekeka na Chiuta muhanyauno. ‘Yesu Khristu mweneyura mayiro, muhanyauno, na muyirayira.’”

¹⁰⁴ Imwe mukati, “Kanyengo kachoko ndipo charu chizamkundiwonaso yayi Ine, kweni imwe muzamkundiwona Ine; pakuti Ine nizamkuwa na imwe, nanga ndi mwa imwe.” Imwe mukatilayizga ise, Fumu, ise tizamkumuwonani Imwe.

¹⁰⁵ Wagiriki wākiza, nyengo yimoza, ndipo wākati, “Mabwana, ise tikukhumba kuti timuwone Yesu.” Ndipo iwo wākapika mwaŵi ula. Ndipo usiku uwu, Fumu, ise tikukhumba kuti timuwone Imwe, naseso. Ndi kukhumba kwa mitima yithu. Kulije munyake wangamanya kupulika za Imwe, pekhapekha iwo wākukhumba kuti wāmuwoneni Imwe. Ntheura usange Wagiriki aŵa wākazomerezgeka kuti wāmuwone Imwe, ndipo Imwe mukatipa nthowa ise yakuti timuwone Imwe, Imwe nyengo zose mukupanga nthowa chifukwa Imwe ndimwe mweneyura mayiro, muhanyauno, na muyirayira. Wantchito wakiza na Wagiriki aŵa mu Kuŵapo Kwinu, ndipo iwo wākamuwonani Imwe. Tipaseni ise mwaŵi weneula usiku uwu, Wadada. Mphanyi ise, ngati wantchito, tilitorere gulu ili mu Kuŵapo Kwinu. Ndipo nkhuromba ise timuwone Yesu, usiku uwu, Uyo ndi mweneyura mayiro, muhanyauno, na muyirayira. Perekani ichi, Fumu.

¹⁰⁶ Ponoskani wākutayika, Fumu, usange muli mwanarumi, mwanakazi, mnyamata, panji msungwana. Para ise tikuwona charu chithu chakunangika chomene na wākukoma na wānkhaza, na watimbanizgi, na kuwona chivundi mu charu muhanyauno! Ndipo kuwona chivundi mu mipingo, na kuŵawona iwo wākurongozgekerako ku chisazga chira chakukaŵakomerako kunena kula, chifukwa iwo ntho wākwendenda nthowa yakuperekeka na Chiuta! Iwo wākwendenda nthowa ya chisambizgo chinyake m'malo mwakwizira mu Mazgu.

¹⁰⁷ Chiuta, ise tikuromba kuti wēneko, wākufikapo, Wakhristu wākubabika, umo ine nangurongosolera ichi, pakuchita kuŵa mabaka gheneko, iwo . . . “Mberere Zane zikupulika Lizgu Lane, mlendo zimurondezgenge yayi.” Fumu, Lizgu Linu ndi Mazgu. Icho nyengo zose chiri kuŵa nthowa Yinu yakuperekeka ku Mpingo na ku wanthu, ndi Mazgu Ghinu. “Mazgu Ghinu

ndi Unenesko.” Ndipo Imwe ndimwe Mazgu. Ndipo Baibolo likutiphalira ise, “Mazgu gha Chiuta ngakuthwa kuruska lupanga lwakuthwa kuwiri, ghakusanda maghanoghano na madazgo gha mtima.”

¹⁰⁸ Ntchifukwa uli Israel wakatondeka kumuwona Mesiya wawo, para iwo wakati wawona kuti Iyo wakaŵa Mazgu ghara, para Iyo wakamanya kusanda maghanoghano agho ghakaŵa mu mtima wawo? Ntchifukwa uli iwo wakatondeka? Iwo wakapulikiska ichi kwizira mu waprofeti, kuti waprofeti wakamanya; kweni para uzari wa Chiuta ukati wazgoka kuŵa Mwana Wake, ndipo Iyo wakakhala pakati pithu, pamanyuma iwo wakatondeka kuchiwona ichi chifukwa iwo wakaburumutizgika.

¹⁰⁹ Fumu, iwo weneawo wali na maso ghawo ghakujurika, usiku uwu, mphanyi ise timuwone Yesu pakati pithu. Mphanyi munthu waliyose murwari wachizgike. Nkhuromba ichi chikhazikike ichi, Fumu, kuti iwo ntha, munthowa yiriyose, kufumira ora ili na kunthazi... kweni kuti wagomezgenge kuti Imwe ndimwe Mesiya. Iwo wakwizira mu nthowa ya Chiuta. Wanandi wa iwo wali muno, usiku uwu, wakufwa. Muli wanandi muno, usiku uwu, awo panyake ntha wazamkuŵa kuno sabata kufumira muhanyauno, usange Imwe, wowwiri Winu ukwiza yayi.

¹¹⁰ Sono, Wadada, Imwe muli na chakuchita pa ivyo Imwe mukalayizga. Kweni Imwe mukalayizga kuti ise tizamkumuwonani Imwe. Imwe mukalayizga kuti icho Imwe mukachita ise tizamuchita naseso. Ora ndi ili. Ine nayowoya ichi; ine nkugomezga ichi. Ine nkhamupulikani Imwe mukuyowoya nthaura; Mazgu Ghinu ghakuyowoya nthaura. Imwe khozgerani ichi. Ine nkhumanya uwu ndi unenesko. Sono zomerezgani ichi chimanyikwe, Fumu. Ichi chiri kulembeka, sono zomerezgani ichi chichitike, chifukwa cha Ufumu wa Chiuta. Amen.

¹¹¹ Ine nkhekayika usange ise tichemeskenge mzere wa pemphero. Ine nkugomezga kuti ine ndichigwiriskenge waka ntchito ichi kufumira nkhanira pano.

¹¹² Kasi mbalinga wa imwe mbarwari? Sono kasi imwe muwenge... Imwe mwakwezga woko linu, kuchitiranga ukaboni kuti imwe mwarwara.

¹¹³ Kasi mbalinga wa imwe muchitirenge ukaboni chinthu chenechira, “M’bale Branham, ine mwakufikapo ndine wakuponoskeka yayi”? Uli iwe ukwezge woko lako, “Mundirombere ine”? Chiuta wakutumbike iwe, iwe. Icho ntchiweme. Icho ndi... Chiuta wakutumbike iwe. “Ine ndine wakuponoskeka yayi.”

¹¹⁴ Sono, imwe mwaŵeneimwe mwangukwezga mawoko ghinu, na imwe mwaŵeneimwe mwanguchita yayi, “Kweni, M’bale Branham, mbunenesko ine nkhekumba kuti niponoskeke. Ndi mtima wane. Ine nkugomezga kuti kulije chinyake chakhhalako

cha waliyose mu charu.” Chinyake ntchivichi, icho imwe mungaphindura, chiwenge chikuru kuruska chiponosko chinu? “Mundirombere ine. Ine nkhukhumba kuti niponoskeke.” Uli iwe ukwezge woko lako, palipose mu nyumba, kulikose, “Ine nkhukhumba...?”

¹¹⁵ Kasi mbalinga wa imwe mundapokere Mzimu Mutuwa, yowoyani, “Ine nkhumanya kuti ine nkhuayenera kuti niwupokere Uwu”? Kwezigani mawoko ghinu. “Ine nindapokere; ine nkhukhumba.” Viri makora, pali wachoko chomene awo walije.

¹¹⁶ Sono, Khristu wakusunga Mazgu Ghake, ndipo imwe mukwenera kuti musunge chipulikano chinu mwa Iyo. Iyo ndi Mazgu. Sono, Wahebere chipatulo 4, wakayowoya kuti, “Mazgu gha Chiuta,” gheneagho ndi Khristu. Khristu ndi Mazgu. Imwe mose mukumanya icho? Yowoyani, “Amen.” [Gulu likuti, “Amen.”—Munozgi] Iyo ndi Mazgu, “mweneyura mayiro, muhanyauno, na muyirayira.” Icho Iyo wakaŵa mwa Moses, Iyo wakaŵaso mwa Eliya; icho Iyo wakaŵa mwa Eliya, Iyo wakaŵa mwa Yohane; icho Iyo wakaŵa mwa Yohane, Iyo wakajikwaniriska Iyomwene mwa—mwa Yesu. Ndipo muhanyauno Iyo ndi mweneyura umo Iyo wakaŵira kale, ndipo Agha ndi Mazgu gha Chiuta ndithu agho ghakachimikira ku nyengo iyi, cheneicho chikumupanga Iyo Kuŵara uko kukuŵara ndipo kukukhozgera Mazgu ghakulayizgika.

¹¹⁷ Ise tiri ku nyengo yaumaliro, wabwezi. Yesu wali muno. Ine nkhumanya kuti imwe mwapulika icho.

¹¹⁸ Uli usange imwe mukalaŵiskapo yayi, mu umoyo winu, ndipo imwe mukaŵavye mamanyiro gha kulaŵiska, kulije munthu wakachita, kweni kamoza mu kanyengo imwe mukupulikapo kakufunda kweneko? Ndipo ine nkhaŵa na kulaŵiska, ine nkhamanyanga kulaŵiska, ndipo ine nkhamanyanga kumuphalirani imwe kuti ili ndi zuŵa. Imwe mukuti, “Ine nkhumanya yayi umo ichi chikuchitikira, kweni ine nkhuwona kukhwaskika, ngati kuthukira, imwe mungamanya kupulika.”

Ine nkhati, “Ilo ndi zuŵa.”

“Kasi zuŵa ndi vichi?”

“Ndi kuŵara.”

“Kasi kuŵara ndi vichi?” Ichi chose chiwenge charu chiphya kwa iwe.

¹¹⁹ Kweni uli usange ine nkhamuphalirani imwe kuti Yesu Khristu wayimirira muno sono? Uli usange ine nkhamuphalirani imwe kuti Iyo wali pakati pithu? Iyo wakalayizga ichi. “Palipose apo waŵiri panji watatu wawungana mu Zina Lane, penepapo Ine ndiri pakati pawo. Ine ndiri apo!” Sono uwo panyake ndi Unenesko, kwa ine, Uwu ndi Unenesko wose, panji Uwu palije

Unenesko uliwose. *Ichi* panyake ndi Unenesko, panyake ichi ntchaunenesko yayi.

¹²⁰ Sono, kufika pa kumuponoskani imwe, Iyo wakachita icho para Iyo wakati wafwa pa Mphinjika. Kumuchizgani imwe, Iyo wakachita icho para Iyo wakati wafwa pa Mphinjika. Imwe mukugomezga icho. Mazgu ghakayowoya kuti Iyo wakachita.

¹²¹ Sono chinthu chekha pera icho Iyo wakamanya kuchita, usange Iyo wakayimirenge pano na—wavwara suti iyi, yeneiyo Iyo wakandipa ine, chiwenge waka chisimikizgo kwa imwe kuti Iyo wakaŵa Mesiya.

¹²² Ntha na mabamba gha mizumali mu woko Lake. Mupusikizgi waliyose wangachita icho, kuŵika mabamba gha mizumali, na ndopa ku chisko chake, na mikwakwazu na vinthu. Icho chingamanya kuchitika. Icho chikaŵako. Wanthu wanandi ŵakapayikika ngati Iyo. Ndicho yayi ichi.

¹²³ Kweni Umoyo Wake, uwo ukaŵa mwa Iyo! “Mwana wangachita chirichose yayi, mwa Iyomwene, kweni icho Iyo wakuwona Wadada ŵakuchita.” Ndi Umoyo ula, mwa Iyo, uwo ukasimikizgira. Ntha chifukwa chakuti Iyo wakaŵa muYuda kuti mwanakazi muchoko pa chisime wakamugomezga Iyo kuŵa Mesiya; chifukwa Iyo wakamanya kusanda maghanoghano mu mtima wake, ndicho chikamupanga Iyo Mesiya. Usange yira yikaŵa nthowa umo Mesiya wakajimanyiskira Iyomwene mu mazuŵa ghali kujumpha, yira yikaŵa nthowa Yake yakuperekeka kuti wajivumbure Iyomwene. Iyo ndi nthowa Yake yakuperekeka, kwakulingana na Malemba, ku muwiro uwu. Kasi imwe mukugomezga icho?

¹²⁴ Sono, waliyose wa imwe muno, ine ndine mlendo. Ine nalaŵiska zingirizge, ine nkhuwona munthu yayi uyo ine nkhumumanya. Waliyose muno, uyo wakunimanya yayi ine, ndipo wakumanya ine nkhumanya chirichose yayi za imwe, kwezegani muchanya mawoko ghinu. Mwakufikapo, palipose. Munthu uyu wagona apa pa bedi ili, wangukwezga woko lake. Iyo wangunimanya yayi ine. Paliye munyake wakunimanya ine.

¹²⁵ Kweni kumbukirani, Chiuta wakumumanyani imwe. Chiuta wakukumanya iwe. Sono, usange Iyo wasimikizgira kuti Iyo wali muno.

“Kasi ichi ntchichi, M’bale Branham?” Ichi ndi chawanangwa.

¹²⁶ Kasi chawanangwa ndi vichi? Kasi chawanangwa ndi vichi, munthowa yiriyose? Ntha kutora chinyake na kugwiriska ntchito chinyake, kuti, “Ine ndiri na chawanangwa cha machirisko! Ine nkhiruta kuwaro na kumuchizga yumoza *uyu*, kumuchizga yumoza *yura*.” Usange ine ningachita, ine mwakusikikizga mbwenu nichitenge ichi. Sono, ichi ndi, kweni, chawanangwa, ichi, imwe ndimwe—imwe ndimwe, mukutanthauzira mwaujira chawanangwa, *chawanangwa* ndi “kujifumiskapo wamwene pa

nthowa na kuzomerezga Mzimu Mutuŵa wakugwiriske ntchito iwe.” Mukuwona? Ichho ndi chawanangwa.

¹²⁷ Ichho ndicho mupharazgi wali. Iyo nthwa wakupharazga icho iyo wakukhumba kuti wapharazge. Iyo wakujifumiskapo waka iyomwene pa nthowa, ichi ndi chawanangwa, ndipo ukhuŵirizgi ukwiza, ndipo iyo—iyo wakuyowoya kwizira mu ukhuŵirizgi wa Mzimu Mutuŵa. Chawanangwa chinyake chirichose ndi chimozimozi. Sono, vyawanangwa vya ŵapharazgi, na vinyake nthaura, viri kuŵako. Pali, chakudankha, vyawanangwa vyakuperekeka na Chiuta, ndi, “chakudankha ŵapostole, ŵaprofeti, ŵasambizgi, ŵaliska, na ŵaneni.” Agho ndi maofesi. Iyoyi ndi vyawanangwa vithu.

¹²⁸ Sono, Yesu Khristu wakalayizga kuti Iyo wazamuchita ichi mu mazuŵa ghaumaliro. Usange Iyo wachita ichi, usange Iyo walayizga icho ndipo wachitenge ichi, kasi mbalinga ŵagomezenge na kumuzomera Iyo, usiku uwu? Kwezgani muchanya woko linu, yowoyani, “Ine nimuzomereenge Iyo.” Kasi mbalinga muno nthaura... Namuwongani imwe. Kasi mbalinga muno awo nthwa ŵali kuŵamo mu umoza wa maungano nakale, kwezgani muchanya mawoko ghinu. Mwe, pafupifupi hafu wa gulu. Kasi mbalinga ŵakugomezga, pambere Iyo wandachite ichi, imwe mukugomezga munthowa yiriyose? Chiuta wamutumbikeni imwe.

¹²⁹ Sono wonani. Usange ine namuphalirani Unenesko imwe, Chiuta ndi wakukakamizgika kunizgora ine. Iyo wachitenge. Iyo wakuŵika Mazgu Ghake mu mlomo wako ndipo Igho ghakukwaniriskika. Uwo mbunenesko, Agha ndi Mazgu Ghake, Agha ghakwenera kuti ghachite ichi. “Ine natuma Mazgu Ghane, Igho nthwa ghawererenge pawaka.”

¹³⁰ Sono, usange ine ningachizga, ine mbwenu nichitenge ichi. Kuyana waka na wakuchindikika, chipondi, M’bale Upshaw uyo ise tayowoyanga. Mwanarumi mulara yura wakhala kumanyuma kula mu mpando wakutchika, mwanarumi mulara wachikanga, ine nthena nkhamuchizga iyo usange ine nikachitenge. Ine nkhayamba kufumapo pa gome, mu unenesko, ndipo ine nkhang’anamuka ndipo nkhamuwona iyo mu mboniwoni, wakuruta, wakwenda. Nkhamuchema iyo, nkhamuphalira iyo icho chikaŵako, ndipo chira chikaŵa ichi. Iyo wakanyamuka ndipo wakayenda, wakiza ku gome, wakakhwaska njoŵe zake za ku marundi, pamanyuma pakuŵa wakupendera virimika sikisite-sikisi. Mukuwona?

¹³¹ Usiku weneula, dona mufipa, na mwana wake, kusika kula kumphepete. Ine nkhati, “Ine nkhuwona—dokotala wavwara magalasi, ndipo—ndipo iyo wamupanga oparesoni muchoko, msungwana mufipa, ndipo uku kukamuchitiska zazi iyo kufuma ku chigolomiro chake.”

¹³² Mwanakazi mulara mufipa, imwe mungakwaniska yayi kumufumiskapo iyo pa gome. Iyo wakati, “O mwe, lusungu, uyo ndi mwana wane!” Ndipo apa iyo wakwiza, gulu la wakovwira wakatondeka kumukora iyo.

¹³³ Ine nkhati, “Auntie, ichi chikuchitirenge chiweme yayi kuti ufike pachanya apa. Icho nthā... Uyo ndi Chiuta.” Ine nkhati, “Ichi chikuchitirenge chiweme yayi kwiza kuno. Gomezga waka.” Ndipo iyo wakagwada pa makongono ghake ndipo wakayamba kuromba. Ine nkhalawiska mu gulu ndipo nkhwona msewu, mwawonekero, ukurazga. Ine nkhwona msungwana muchoko mufipa wali na chidole mu woko lake, wakwenda wakukhira kujumpha msewu. Ndipo ine nkhalawiska pa muchoko, msungwana mufipa, wakalawiska kumanyuma, ndipo uyu wakaŵa mweneyura. Ine nkhati, “Ili lazgoreka.” Iyo wakayimilira, ndipo wakafumapo pa bedi. Mukuwona?

¹³⁴ Ndi Chiuta. Mukuwona? Ndi Chiuta. Mukuwona? Iyo nthā... Kulije munyake wangachizga. Ndi chipulikano chinu mwa Chiuta.

¹³⁵ Sono, Baibolo likayowoya kuti Iyo ndi Msofi Mukuru, sono nthēna, uyo wangamanya kukhwaskika na kapulikiro ka kufoka kwithu. Kasi imwe mukugomezga icho? Msofi Mukuru! Sono, usange Iyo ndi Msofi Mukuru, kasi Iyo wachitenge uli? Usange Iyo ndi mweneyura mayiro, muhanyauno, na muyirayira, Iyo mbwenu wachitenge chimozi mozi mayiro, muhanyauno, na muyirayira.

¹³⁶ Sono imwe rombani, ndipo zomerezgani Mzimu Mutuŵa pamanyuma... Imwe yowoyani kwa Chiuta, “Chiuta, mwanarumi uyu wayimirira apo wakunimanya yayi ine, kweni icho Iyo wakuyowoya chikuwoneka chazeru. Imwe ndimwe mweneyura. Imwe ndimwe Khristu. Ine ndine murwari. Ine nkhusoweka. Ndipo usange Imwe munizomerezge ine chinyake... Usange ine nilije chipulikano kuti nichite ichi, rekani munyake uyo ine nkhumumanya kuti wali na chipulikano, ndipo zomerezgani ichi... Imwe municheme ndipo zomerezgani—nizomerezgeni—nizomerezgeni ine panji munthu yura wakhwaske mumphepete mwa Chakuvwara Chinu mu Uchindami. Ntheura usange munthu yura wafumapo pa nthowa, ntheura Imwe mukugwiriske ntchito mlomo wake kuti wanizgore, ndipo chitani waka ichi chimozi mozi umo Imwe mukachitira para Imwe mukaŵa pa charu chapasi. Ine nimanyenge kuti Imwe ndimwe mweneyura mayiro, muhanyauno, na muyirayira.”

Tiyeni tisindamiske mitu yithu sono.

¹³⁷ Fumu Yesu, kung'anamuka kufuma ku uvangeli kufika ku mlimo wa uchimi, kweni ndipouli ine nkhumugomezgani Imwe, Fumu, Imwe mukalayizga ichi. Ndipo ine nkhuromba kuti Imwe

muperekenge ichi, usiku uwu. Perekani ichi. Nipulikeneni ine. Para gulu ili likufumapo pano, usiku uwu, ndipo ise tikuruta kunyumba, nkhuromba kuti ise tiyowoye ngati ndi iwo weneawo wakafuma ku Emausi, “Kasi mitima yithu yangugolera yayi mkati mwithu apo Iyo wayowoyanga kwa ise munthowa?” Yesu wakauka ku wakufwa; iwo wakamanya yayi ichi. Iwo wakayowoyanga kwa Iyo; iwo wakamanya yayi ichi. Kweni para Iyo wakati wawatorera iwo mu nyumba, ndipo wakajara chijaro, nthura Iyo wakachita chinyake umo Iyo wakachitira ichi pambere kundachitike kupayikika Kwake. Chira chikajura maso ghawo. Iwo wakawona kuti wakaŵa Iyo. Kweniso, Fumu, nkhuromba mitima yithu yiwotche apo ise tikuruta kunyumba usiku uwu, umo yawo yikachitira. Pakuti ise tikumanya kuti Imwe mwatiyowoyeska ise munthowa. Chitani vinthu, usiku uwu, ivyo Imwe mukachita para Imwe mukaŵa pa charu chapasi, pakuti Imwe ndimwe mweneyura mayiro, muhanyauno, na muyirayira. Ise tikuromba mu Zina la Yesu. Amen.

¹³⁸ Sono muŵe mu kuromba ndipo gomezgani waka. Tiyeni titore chigaŵa *ichi*, chakudankha. Paliŵe kanthu kwali imwe muli pochi, mu nyumba, gomezgani Chiuta. Ine nakhumbanga nthenda waliyose waŵe nkhanira wantchindi ndipo wakhale chete, wakuromba.

¹³⁹ Ichi kwathunthu ntchambura machitiko. Ine nayowoyanga mlenji uwu, pa chakurya cha mlenji cha wapharazgi, “wambura kupulikiskika.” *Paradox* ndi chambura kupulikiskika, “chinyake chambura kupulikiskika, kweni ndipouli ntchaunenesko.” Imwe mukumanya kuti Mzimu Mutuŵa wangamanya kuyimirira pano na kuyowoya chinyake mu gulu lira, ku wanthu awo ine nkhuŵamanya yayi, ichi chikwenera kuti chiŵe chambura kupulikiskika. Ndi chinyake icho chingarongosoreka yayi. Ine nkhumanya yayi kuti Iyo wachitenge. Ine nkugomezga waka kuti Iyo wachitenge, kugomezganga kuti Iyo wachitenge.

¹⁴⁰ Sono rombani waka, ndipo yowoyani, “Fumu Yesu, ine nkhuukumba kuti nikhwaske chakuvwara Chinu, ndipo ine—ine ndiri nacho chakusoŵeka. Ine nkhuupangana namwe, Fumu, ine ndi—ine nimutumikirenge Imwe umoyo wane wose.” Chiuta wakukumba kuti imwe murape. Usange imwe mundarape; rapani, yowoyani, “Ine nkhuukumba kuti nirape, Fumu. Ine nkhuukumba Imwe kuti munichizge ine. Ine nkhuukumba kuti Imwe munitumbike ine. Nichizgeni ine sono Fumu. Ine ndine wantchito Winu.”

¹⁴¹ Ine nate... Kasi iwe wangupereka makadi ghapemphero muhanyauno? Ine nate nimufumbenge waka Billy kuti kwali... Usange iyo wakuchita yayi ichi, ine mbwenu nichemeskenge mzere wa pemphero. Kweni iwo wakupereka yayi makadi gha pemphero muhanyauno. Khalani waka mwantchindi, gomezgani.

¹⁴² Sono, mu Zina la Yesu Khristu, ine nkhotora mzimu uliwose muno pasi pa ulamuliro wane, ku uchindami wa Chiuta, mwakuti Mazgu Ghake ghavumbukwe, kuti pa Dazi la Cheruzgo ise tamkuwa na pakugwenthera yayi.

¹⁴³ Sono laŵiskani kudera uku, ndipo gomezgani sono. Rombani na mtima winu wose, ndipo rombani waka, ndipo mwakujikhizga, nthā mungalimbananga nacho Ichi, masukani waka mwaŵene, ndipo yowoyani, “Fumu, Imwe mukapanga phangano. Ine nkhumugomezgani Imwe.” Icho ndicho ine nkhyenera kuti nichite.

¹⁴⁴ Ine nkhumanya palije chifukwa kwa ine kumufumbaninge imwe. Kasi mbalinga ŵali kukuwonapo Kuŵara kula? Tiye ni tiwone. Imwe muli kuchiwona chithuzithuzi cha Ichi. Tiye ni tighawone mawoko ghinu, awo ŵali kuchiwonapo chithuzithuzi cha Ichi. Kasi imwe mukuchiwona yayi Ichi nkhanira uko? Wonani, ndi dera linyake. Uku kuli nkhanira pachanya pa dona yura.

¹⁴⁵ Iyo wakurwara na kupweteka kwa marundi ghake na msana. Iyo... Kasi iwe ukugomezga kuti Chiuta wangakuchizga iwe, mlongosi? Kasi iwe wangukhwaska vichi? Iwe ukunimanya yayi ine, kweni iwe wangukhwaska Chinyake. Usange Fumu Yesu waniphalirenge ine kasi ndiwe njani, kasi icho chikupangiskenge iwe kugomezga chomeniko? Iwe ndiwe Mrs. Phillips. Usange uwo mbunenesko, yimirira pa marundi ghako. Viri makora. Kasi ine ndine mlendo kwathunthu kwa iwe? Kwezga muchanya woko lako usange uwo mbunenesko. Ine niri kumuwonapo yayi iyo mu umoyo wane. Kasi iyo wangukhwaska vichi? Rutani mukamuyowoyiske mwanakazi, para tafuma. Kuŵinya kose kwamara sono. Iwe uli makora. Iwe ungamanya kuruta kunyumba na kuŵa makora.

¹⁴⁶ Apa pali dona, nkhanira kumanyuma kuseri kwa iyo uko. Iyo wakusuzgika na kutimbanizgika kwa mutu. O Chiuta, usange iyo nthā... Zina lake ndi Mrs. Star. Gomezga, Yesu Khristu wakuchizgenge iwe. Yimirira pa marundi ghako ndipo pokera machirisko ghako. Usange ine ndine mlendo kwa iwe, yendeska mawoko ghako. Kutimbanizgika kwako kwamara. Yesu Khristu wakupanga iwe wamusuma.

¹⁴⁷ Kasi Iyo wakalayizga vichi? Iyo wakalayizga ichi. Kasi imwe mukugomezga?

¹⁴⁸ Kuli dona nkhanira kumanyuma kwa iyo, wakhala uko. Iyo wakuromba. Iyo wali na suzgo la m'mutu, wali na vyakumutangwaniska. Iyo wakukhumba kuti waleke kukhweŵa. Zina lake ndi Mrs. Bordon. Yimirira, Mrs. Bordon. Ndudu zako zamara. Yesu Khristu wakupanga iwe wamusuma. Ine niri kumuwonapo yayi mwanakazi mu umoyo wane.

¹⁴⁹ Kasi iwe ukugomezga? Sono imwe mukumanya ine ningachita yayi icho. Uyo ndi Yesu Khristu. Kasi ichi ntchichi?

“Mazgu ngakuphinda, ghankhongono chomene, kuruska lupanga lakuthwa kuwiri, ghakusanda maghanoghano na madazgo gha mtima.” Ndi Mazgu, Yesu Khristu mweneyura mayiro, muhanyauno, na muyirayira. Kasi imwe mukugomezga yayi icho?

¹⁵⁰ Uku, uku kuli mwanarumi wakhala kudera uku, wali na hernia, suzgo la mtima. Uwo mbunenesko. Ine nkhumumanya yayi mwanarumi. Ine niri kumuwonapo yayi iyo. Kweni iyo ndi mupharazgi. Mliska, Mr. Kinsey. Uwo mbunenesko. Kasi iwe ukugomezga, bwana? Yimirira pa marundi ghako ndipo pokera machirisko ghako. Yesu Khristu wakuchizga iwe.

¹⁵¹ Apo tikurutilira, kasi iwe unganivwirako ine, pakuwa mupharazgi? Wika mawoko ghako pa muwoli wako, iyo wakusuzgika na suzgo la ziso, na suzgo la chiwindi, na thupi likuru chomene, na vyakumutanganwiska. Wika mawoko ghako pa iyo. Ili limulekenge iyo, usange iwe ukugomezga.

¹⁵² Nkhuti, pali mwanarumi wakhala nkhanira kumanyuma kwako, iyo waphimbikira ku nyifwa. Iyo wali na kansa. Mwanarumi wakusuzgika na chakutupa, kansa, kutimbanizgika mutu. Zina lake ndi Mr. Young. Gomezga sono. Yesu Khristu wakuchizga iwe. Kasi iwe ukugomezga ichi? Kasi iwe ukupokerera ichi? Viri makora, bwana.

¹⁵³ Apa pagona mwanarumi, wagona apa pa bedi ili. Bwana, ine nkhekumanya yayi iwe. Usange ine ningakuchizga iwe, ine mbwenu nichitenge ichi. Ine ndine mlendo kwa iwe. Iwe wayenda ulendo wose kwiza uku. Iwe wayezeska kuti ufike kuno. Iwe ungabisa yayi icho chanangika kwa iwe; kweni ine ningakuchizga yayi iwe. Iwe wafika kuno na muwoli wako. Uyo ndiyo wakhala uko wavwara chikhoti chira cha mtundu wa pinki wokusazgikana na wa orenji. Uwo mbunenesko. Viri makora. Munthu waphimbikira ku nyifwa; iyo wangakhala wamoyo yayi kweni kanyengo kachoko sono. Iyo wali na kansa.

¹⁵⁴ Iwe ukusuzgika, naweso, mlongosi. Iwe ukugomezga Chiuta wanganiphalira ine icho iwe ukusuzgika nacho? Ndi suzgo lako la msana. Uwo mbunenesko. Usange uwo mbunenesko, yimilira. Viri makora, iwe pokera machirisko ghako. Gomezga ichi. Wika woko lako pa mfumu wako.

¹⁵⁵ Kasi iwe ukundigomezga ine kuwa muprofeti Wake, bwana? Usange iwe ugonenge apo, iwe ufwege nadi. Iwe uchirenge yayi. Mbwenu kwamara. Madokotala ghatondeka pa iwe. Kansa yakurya iwe. Ine niri kuwona masuzgo ghakuru kuruska iwe kuchizgika. Ine ningakuchizga yayi iwe. Kweni usange iwe uzomerege waka ichi na kugomezga ichi! Kasi iwe ukugomezga ichi? Ndi mwaŵi wako wekha pera. Nyengo zako zaumaliro zikujumpha. Kasi iwe ukugomezga ichi? Usange iwe ukuchita, yimilira fumapo pa bedi ilo. Nyamuka fumako uko, mu Zina la Yesu Khristu! Yimirira pa marundi ghako ndipo

uŵe wamusuma, ndipo yenda kufuma apa, ukumuchindikanga Chiuta. Munyake wamukore pa woko iyo, movwireni iyo. Apo iyo wali, pa marundi ghake.

¹⁵⁶ Kasi mbalinga muno ŵakugomezga? Kwezgani muchanya mawoko ghinu. Yimirirani pa marundi ghinu. Mose imwe mukukhumba kuchizgika, yimirirani, mu Zina la Yesu Khristu. Kwezgani muchanya mawoko ghinu, murumbeni Chiuta. Perekani kwa Iyo marumbo na uchindami. Sono wongani Fumu chifukwa cha machirisko ghinu, Yesu Khristu mweneyura mayiro, muhanyauno, na muyirayira!

¹⁵⁷ M'bale, madokotala ghatondeka. Iyi ndi nthowa yakuperekeka na Chiuta. Gomezga ichi!

¹⁵⁸ Kasi mbalinga ŵakukhumba kuti ŵazomere nthowa yakuperekeka na Chiuta? Kwezgani muchanya mawoko ghinu ndipo perekani marumbo kwa Chiuta, waliyose wa imwe, ndipo gomezgani kuti imwe mwachira, mu Zina la Yesu Khristu. Amen. 

64-0206E Nthowa Yakuperekeka Na Chiuta Ya Mu Dazi Ili
Kern County Fairgrounds
Bakersfield, California U.S.A.

CHITUMBUKA

©2026 VGR, ALL RIGHTS RESERVED

VOICE OF GOD RECORDINGS, MALAWI OFFICE
P.O. BOX 51453, LIMBE, MALAWI

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Chimanyisko chakukopera

Wanangwa wose ngwakuvikirika. Buku ili lingamanya kudindika pa chakudindira cha kunyumba kuwa lakugwiriskira ntchito imwe panji kuti liperekeke, kwaulere kwambura mtengo, nga ndi lakugwiriskira ntchito kutandazgira Ivangeli la Yesu Khristu. Buku ili nthu lingaguriskika, kupangikaso mu unandi, kutumizgika pa website, kusungika umo tingazakalisangiraso, kutanthauzika mu viyowoyero vinyakhe, panji kuligwiriska ntchito pa kupempeskera ndalama kwambura kalata yakulembeka kuzomerezgeka na Voice Of God Recordings®.

Kuti mumanye vinandi panji kusanga katundu munyakhe uyo waliko, chonde fumbani:

VOICE OF GOD RECORDINGS, MALAWI OFFICE
P.O. BOX 51453, LIMBE, MALAWI

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.

www.branham.org